


學政全書

三四

二



			五	漢
		一	一	書
	一	四	七	門
四	九	五		
冊	架	函	號	類

庫	文	閣	內	
元		五		漢
二		一		書
五	四	七		
架	冊	號	類	

內閣文庫			
番號	漢	5175	
冊數	4 (2)		
函號	296	110	

政書十七号

共四册



欽定學政全書卷之三目錄

考試出題

生童試卷


閱卷

童生入學

發案發落

幫補廩增

各項貢生



淺草文庫

欽定學政全書卷之三

考試出題

順治九年題准。出題明白正大。不得割裂文義。以傷雅道。又春秋脫母等題。原屬組合。應刪去。以後考試。止將單題合題。酌量均出。

康熙八年覆准。查明洪武年間春秋題旨。以四傳為主。至永樂以後。則專主胡傳。於是單題以外。有合題。有比題。有傳題。至用傳語為題。意則主傳。而題則仍經割裂。組合。藏闡射覆。經之若滅。且絕者久矣。嗣後

鄉會試并各省學政考試生童俱應出單題。至於兼用四傳。查各傳意義不同。取士難于畫一。仍應照舊用胡傳。

康熙三十六年覆准小學一書。令幼童講習於身心。行誼實有裨益。嗣後自三十七年科考爲始。考試童子時出四書一題。令作八股。小學一題。作論一篇。通行直省學臣一體遵行。

康熙三十九年覆准。嗣後學臣考試生童。有將經書小學真能精熟。及真能成誦三經五經者。該學臣酌量優錄。其孝經論題原少。嗣後考試將性理中太極圖說通書西銘正蒙等書一并命題。康熙四十五年覆准。儒童正考時仍試八股二篇。覆試一四書文一小學論。

雍正元年覆准。學臣考試生童。舊例歲科二考俱出四書題二道。經題一道。蓋以五經皆載道之書。朝廷取士之制所並重也。後以歲科考不准給燭。或遇冬月日短。士子多不能完卷。學院但出四書題二道。擇其文理明通者取錄。遂以不出經題爲例。而士子亦

遂以經學視爲緩務。不專心研究。應令學臣嗣後歲考。用書文二篇。科考則仍照例用書文二篇。加增經文一篇。如遇冬月日短。則減去書文一篇。用書文一篇。經文一篇。其有經旨不明。摭拾成文。希圖邀倖者。不得濫取。

雍正六年覆准。近來士子。只知記誦時文。以供抄錄。而於經史性理之源流。禮樂農桑之實務。全不究心。後場策論。不過臨時勦襲。以圖完卷。嗣後歲試。令作兩書一經。遇冬日作一書一經。科考。令作一書一經。

一策。遇冬日作一書一策。若不能完場。或雖完而草率塞責者。歲試不准拔在優等。科試不准錄送鄉試。雍正十一年覆准。各省歲科兩考。遵例試以四書經藝之外。將士子所習本經。摘取四五行。令其默寫於四書經藝之後。如有兼通五經。或旁通一經兩經者。亦令一併書寫。如有將本經不能記憶。並字句脫落。差訛者。雖文藝優通。貢監生員。不得取列高等。童生進學。亦不得拔置前列。其有文藝草率。而經文尙能默寫不訛者。該學政於試畢之後。面加獎勵。但不得

以草率之文籍此濫取。

雍正十二年覆准舊例儒童正考時作八股二篇覆試則四書文一篇小學論一篇今按小學乃宋儒朱子纂輯雖於幼童有裨究不如聖經之言簡意深廣大悉備應令學臣嗣後取進童生覆試之時將小學論題一道改出孝經論題一道自童穉之年即將孝經十八篇口誦心維朝考夕究於敦本崇實之化似有裨益。

乾隆元年覆准小學一書與性理相爲表裏欲窮性理必先植基於小學方無躐等之弊今鄉試論題業已兼取性理應令該學臣嗣後儒童正考時仍出四書題二道覆試時出四書題一道其論題一道孝經與小學兼出。

又覆准童生應試若照生員之例盡以經文爲憑則童生能作經文者少勢必多所缺額若仍憑四書文校閱取進則童生究不知用心經學應令各該學政於歲科兩試除能作經文兼習多經者急行錄取外其餘令其於所出經題默寫數十行於四書文之後。

倘有本經不能記憶。並字句脫落錯訛者。雖文藝優通。不得拔置前列。其有默寫經文。毫無舛錯。果係文藝優長。自當拔置前茅。卽或文稍平順。亦許酌量取進。但不得因默寫無訛。遂以草率之文。濫行錄取。其考試生員。所出諸經題目。不許仍拘標題。以杜勦襲雷同之弊。

又覆准鄉會場之春秋合題。原屬強爲牽合。甚無當於經傳之義。概行停止。

乾隆三年覆准。查考試命題。固取發明義理。而亦以展拓才思。遇有人文最盛之區。若命題專取冠冕士子。蹈常襲故。或無從濬發巧思。間出截搭諸題。則旁見側出。亦足覘文心之變化。第必須意義聯屬。血脈貫通。若上下絕不相蒙。恣意穿鑿。割裂語氣。殊屬傷雅。嗣後學政出題。宜以明白正大爲主。卽間出長短搭題。亦必求文義之關通。毋蹈割裂之陋習。則旣不詭於義理。而亦不闕其性靈。庶文章之能事曲盡。而課士之法亦周詳矣。再查士子各專一經。或習多經。卷面自應預行填註。若止憑就試之日。隨意填寫。則

趨熟避生。適長僥倖之習。應通行各省學政。曉諭諸童於納卷時。卽自行填註。其有卷面未填者。縣不送府。府不送院。或所作經義與卷面不符者。雖多篇。概不取錄。

乾隆四年。奏准。歲科兩試。於四書五經義外。另示一牌。摘錄本經四五行。寫明起止。令作講義一段。約二百字為率。毋許寬泛繁冗。亦不得草率塞責。其有不能講解。及違背經旨。寬泛草率者。生員不准取優等。童生不得拔置前列。再童生中。有能背誦五經。兼能

講解者。書藝卽屬平通。亦量行錄取。以示鼓勵。

又覆准。嗣後舉報優生。除將實行註冊外。應并註明通曉何經。或五經三經。卽僻邑中通一經者。俱得舉報。其拔貢亦應改試經解一道。但優生所註通曉之經。止憑學臣面詢核定。並無試牘可稽。恐相沿日久。或仍視為具文。而拔貢所試經解。若仍就場中出題之處。撫拾問答。亦徒滋空疎。勦襲之弊。嗣後舉優拔貢。應欽遵

諭旨將

御纂諸經中。摘取先儒異同之說。令其條分縷晰。作經解一篇。一體解部。復於文理清通之內。擇其平日立品端方者。方准入選。

生童試卷

順治九年。題准生童試卷。各照定式置辦。不許長短不齊。卷面中間照常三圈。上圈填某府州縣。中圈生員填廩。增附青社字。童生填童字。武生填武字。下圈填某經。接縫處上用提調。下用儒學。各印鈐蓋。提調官置印信方簿。一樣二扇。面開某府州縣生員號簿。內開送考各生姓名。下注廩增附青社字樣。人各一行。各名上留空白二寸許。以備填號。仍照千字文置籤一筒。將形音相似。如冰水王玉宇兩辰臣之類。除

去不用。考前一日。提調官信手抽籤填簿。照號填卷。背後用教官印鈐蓋。摺疊彌封。再用提調官印鈐蓋。外用浮票。楷書姓名。黏卷面第三圈下。旁留少許。填坐號。仍用提調印鈐蓋號處。半在卷。半在票。用印畢。將號簿固封。提調處童生卷俱同。其生員點進手冊。照廩增附青社。次序開造。臨期。提調官於大門外。每二十名爲一牌。唱名序進。二門外搜檢散卷。每卷二十爲一封。上書某學第幾牌試卷。印鈐總置卷箱。散訖。將空箱連鎖鑰送進。童生各式俱同。惟序進。查照。

廩生結狀彙造。以便識認。教官試卷。提調官備。卷面明書職名。願科舉者。與生員一體編號。

雍正十一年。覆准。從前考試鄉會場。吏書人等辦事。必須兩月有餘。府州縣院考。吏書人等辦事。亦需一月有餘。伊等飯食以及雜費。有不入正項奏銷之內者。向例皆取給於卷價。而該管官遂招立卷戶。平居衙署之糊飾。臨時所送識認之試卷。皆索之卷戶。於是勾通高價。重戥加收。苦累生童。誠所不免。嗣後府州縣以及院試。無論大中小學。每本試卷。定價三分。

鄉會試卷每本定價一錢二分。令該提調官自行辦置。不許再招卷戶。其紙價工費之外。盈餘卷價。卽爲辦事書吏人等飯食之費。若有再立卷戶。仍前增價重戥等弊。在外許督撫學臣。在內令禮部堂官。都察院。及順天府。查出。照例叅處。

乾隆二年奉

上諭。安徽所屬地方。應試童生。有完納卷價之陋例。其費彙交知府直隸知州。除修葺考棚外。其餘則補學政養廉之不足。雖每童所出。不過錢數十文。而在貧寒書生。

亦不免拮据之苦。且學政養廉。朕已特頒諭旨。加至四千兩。甚屬寬裕。更不必取資於卷價。至於修葺考棚。乃地方之公事。應動存公銀兩者。着將童生交納卷價一事。永行禁止。毋使不肖官員。及吏胥人等。借名苛索。致滋擾累。

閱卷

順治九年題准。文章等第。原有定評。督學批語。宜從簡質。或平正。或明暢。或典實。或爾雅。各視其文。毋生枝葉。

雍正二年。覆准。各省學臣。務恪遵定例。秉公考校。分別等第。以示勸懲。毋得過寬徇私。其或有州縣人文果盛。確無荒謬不通之卷。亦不必苛刻推求。必列後等。以示無私。

雍正五年。覆准。童生應試。未取之卷。概不發出。或有

不謹學臣不肯盡心批點。以致遺落佳文。亦未可定。嗣後歲科兩試。學政務將未取之卷。批出不取緣由。交與教官。令各該童領去閱看。

雍正十二年。覆准各直省設立學政一官。職司衡文。自宜矢公矢慎。虛心校閱。以勵人才。但試卷繁多。一己之精神。不能遍覽。勢不得不延請宿學之士。寄以鑒衡。然必須慎擇他省之人。與蒞任之地相去遼遠者。方可以遠避嫌疑。杜絕弊竇。乃學政中往往有希圖簡便。卽以此府考居前列之生。帶至彼府閱卷者。

以本地之士子。閱本地之文章。其中親朋交好。不無瞻顧鄉曲之情。勢必暗通關節。廣徇情面。兼之胥役勾連。傳遞消息。一切夤緣說合。招搖撞騙等弊。皆不能免。非所以慎關防而嚴考校也。嗣後凡學政考試。應於未入境之先。卽延請他省中學問優長。操守廉潔之士。同往閱卷。如係兩省接壤之地。亦必在五百里之外者。方准延請。不得更帶本地生員閱卷。致滋弊端。兼令該督撫嚴飭地方官。并儒學教官。通行曉諭。嚴禁士子鑽營隨任。妄希衡文。如該學政仍蹈前

轍隨帶本地方士子閱卷該督撫查出卽將該學政題叅議處并將同往之該生斥革。

童生入學

順治九年題准童生入學乃進身之始不可不嚴爲之防督學文到先期曉諭報名取鄰里甘結身家無刑喪替冒各項違礙方准收試每府各州縣關會一日同考府試亦彙齊一日以防重冒如州縣掌印官不係科貢出身申府另委務照入學定例名數縣考取二倍府考取一倍該府考取已定一面先將名數揭具花名呈報一面榜示所取童生照所取次序五人爲一結取行優廩生親筆花押保結查照格眼冊

式當堂令各童生親填年貌籍貫三代經書彙爲一冊并各結狀粘送其各童生所填年貌務要一一肖真以便查對其點名手冊仍寫年貌有不對者不准收考每名仍開保結廩生姓名於下點名時廩生與同結五人互相覺察如有倩代等弊卽時舉報容隱者五人連坐廩生黜革其府州縣原取真卷合釘封貯候發落查對其黜退生員如不係行劣者提調官准與童生一體收考至於寄學改回及稱遊學隨任等事另送者悉不准行入府學者卽於各州縣內量

撥不必另送發案日再行覆試筆跡雖同而文理不通者亦不准入學詐冒籍貫投充入學及詭寫兩名隨處告考或假捏士大夫子弟希圖僥倖或係優娼隸卒之家及曾經犯罪問革變易姓名等弊僥倖出身訪出嚴行究問革黜若教官納賄容隱生員扶同保結者一體治罪究革更有一種冒名頂替換卷代筆之徒尤屬傷風敗類臨時倍加嚴查重治

康熙二十七年定武生考校卽於考校文生後踵行取進武生無武學處照例屬文學教官管理其降黜

劣行等事宜。悉照文生例行。除騎射外。教以武經七書。百將傳。及孝經四書等。俾知大義。遇試考其騎射。文義通曉者。方准取補。提調官仍將各學射圃修葺。置備弓矢。教官率生員武生較射。其中以飭武備。康熙四十四年。覆准武童先考策論。後較騎射。合式時。隨即磨對筆跡。

康熙四十九年奉

上諭。考試武生武童。用論二篇。第一篇出論語孟子題。第二篇出孫子吳子司馬法題。其鄉會試。原作論一篇。策二篇。

今亦照此例。出論題二道。作論二篇外。作策一篇。

雍正三年。覆准歲科兩試。覆試童生。令其默寫

聖諭廣訓一條。

雍正十二年。覆准學臣考試先生員。次文章。次武童。此定例也。自雍正五年。覆准順天學政孫嘉淦。振飭學政一疏。內稱文章之案未發。而學臣開門騎射。吏胥出入。家人往來。易起弊端。嗣後學臣下馬。先考武童。次考文章。後考生員。等因。通行在案。但查文章未經發案之前。開門騎射。固恐或起弊端。而按臨下馬

之初。卽行騎射。文武生童。俱已齊集候考。此中豈無弊竇。且應考文生。倍於武生。文童又數十倍於武童。若遇大郡。文生不下六七百人。文童常至數千。其武童人數。多不過四五百人。則以數千人之衆。守候無期。定限先考武童。殊屬未便。嗣後學臣下馬。卽行封門考試。先文生。次文童。將文案發過。然後較試武場。生童先考騎射。次考策論。俾文武內外。場規肅清。

發案發落

順治九年。題准。發案後。不許再試一人。再發一案。亦不許別立寄學名色。

又題准。考試畢。卽於本地發落。明示賞罰。不許攜帶文卷。於別處發案。致吏書乘間作弊。士子無所勸懲。違者題叅。

又題准。生員考案。一等文理平通。增附青社。俱補廩。無缺。附青社。先補增。無增缺。青社。先復附。仍各候廩。原廩增。停降者。俱准收復。照序補廩。二等文理亦通。

增補廩附青社俱補增無增缺青社先復附原停廩
降增者俱准復廩增降附者止准復增候補不准補
廩三等文理畧通賞罰俱無原停廩者准收復候補
其丁憂起復病痊考復緣事辨復及原增降附者亦
准收復照新舊間補青衣發社者准復附廩已降增
者不准復四等文理有疵廩姑免責照例停廩不作
缺限六個月送考定奪原係停降者不准限考姑照
舊青衣發社者不准復仍同增附各扑責五等文理
荒謬廩停作缺原停廩降增增降附附降青衣青衣

發社原降增降附者照增附遞降俱候歲考定奪原
發社者竟黜爲民六等文理不通廩膳十年以上發
社近六年以上與增廣十年以上俱發本處各充吏
不願者聽餘俱黜退爲民內進學未及六年者發社
至發落先一日牌出提調官將堪用絹紗絨花紙墨
筆等項預備絹紗或平價折銀以爲一二等生員獎
賞其三等前十名各備京文紙若干刀紙花二枝整
辦造冊開明丈尺價值於各項下仍將前次督學賞
格附開冊後以憑查酌當日送進次日開門提調官

先將印鈐寫就等第名數起止文案。再將閱過試卷領出折號。預將與考生童喚齊。先折不取童生卷。查對明白。即將各卷唱名給看。仍收彙繳。次折六等生員卷。查對明白。即將各卷唱名給看。亦收彙繳。此二項。如有字號差錯等弊。許持卷進稟查。如無別弊。諭令先散。次折生員一等至五等。及取中童生卷。各填卷填案明白。亦將卷唱名給看。發案之日。凡生員應幫補者。卽查明開揭。同原編號簿送查。教官隨領諸生聽候發落。先將訪過行優行劣生員。同衆審問。衆

情厭服。方行賞罰。行畢。諸生聽候。照序唱名。各生循序至簷下。一等。二等。各爲一班。三等人多。量分數起。各將領過卷親自交還。領賞罰畢。用鼓樂導引。行優者居前。次一等。次二等者。俱由中門出。次三等及四五等。俱由西角門出。各照名次行。攙越者責革。若字號差錯。卽時稟查。發落不到者。革頂帶。限一月考奪。取中童生。卽隨生員進。以次發落。次日各該提調官。仍率該學教官聽候考察。外縣官吏師生。當日辭回。不必候送。

雍正二年覆准。考試文武童生。照定額取進。覆試之後。卽行出案發落。不得於本地少取。俟發紅案時。復將別處添入。以滋弊端。

幫補廩增

定例。各學廩增額數。凡府學。廩增各額設四十名。州學。廩增各額設三十名。縣學。廩增各額設二十名。間有新設府。州。縣學。因入學員額不多。其廩增各額。或府學。照州學。州學。照縣學。縣學。不滿二十名者。亦有一學分爲兩學。其廩增額數。兩學均分。或兩學酌量差分者。亦有新設之學。因人文未臻充盛。尙未設有廩增各額者。因地制宜。與時變通。詳具學制員額條內。

金定學政全書 卷之三
順治九年題准。幫補新舊相間。以考案爲新。丁憂起復。病痊考復。停降考復。緣事辨復者爲舊。無新儘舊。無舊儘新。新舊之間。總以考案先後爲主。如第一是新。則先新後舊。第一是舊。則先舊後新。丁憂以下四項。考居一二等。俱照名次先後爲序。卽起復。亦不問服闋先後。惟考居三等。先儘丁憂起復。次病痊考復。次停降考復。次緣事辨復。挨次序補。如起復等項。有一二人同時候補者。以文到日先後爲序。文同到者。以原補廩先後爲序。若考後有起復准復者。序於與

考之後。不得攙越。凡遇廩增缺出。該學於次日卽查。係廩增某人。某事故。見缺應補。查得上首補過某行某人。今該補某行某人。下首見有某行某人候缺。仍明開缺出月日。取具教官。并本生。及上首下首生。不致攙越。賄囑結狀。申提調官覆勘無礙。申文詳奪。仍照前明開。以便批發。若該學留難不報。至三日以上。提調官遲至七日以上。吏俱問罪。補增亦如廩例。其增廣補廩。遺下增缺。須前詳批允後。方許作缺。呈詳頂補。不得兩項並申。如有朦朧攙越者。事發。教官以

賦論。本生黜。保結生降罰。

雍正七年。覆准。嗣後舊廩考居一二等。方准與上等之增附。挨次序補。其考居三等者。不准收復。

雍正十年。覆准。凡四等廩生。仍依限送考。不許作缺。又覆准。嗣後舊廩考居三等者。仍准與新考上等間補。

雍正十三年。定。廩增生遇本生父母之喪。期年內。不許應試。毋庸出缺。

各項貢生

貢生出身。有歲貢。恩貢。選拔貢。優貢。副榜貢。監貢。及功貢。准貢。或赴部

廷試。或送監肄業。或咨吏部考用。詳具於後。

一。凡歲貢。順治二年。定。直省起送貢生。府學。每年貢一名。州學。三年貢二名。縣學。二年貢一名。各省提學。將印結單卷。由各布政司起送。直隸學院。由各府起送。粘連府州縣學印結各單內。俱用印鈐蓋。該提學。仍將起送各貢生姓名。通造清冊。送部查對。

順治四年定。提學每歲將次年應貢生員。屢經科舉者三人。一正二陪。嚴加考選。如年衰文謬。不許濫充。其正貢不堪。令以衣頂告老。次取陪貢充選。倘一陪不堪。更及二陪。務於挨序之中。仍寓遴才之意。其有停廩降廩科歲考居三等者。亦許收復。未收復者。不許起送。其應貢者。定限次年三月到部。四月十五日廷試。如有濫充於所送內。發回五名以上者。提學照例罰俸。

順治九年題准。凡本年已考拔之正貢。遇有事故出缺。務查人文。未經到部。在一年以內者。將原給批咨。硃卷追繳。挨次取年力精壯。文學優長者。一人補貢。定限於該貢年分。次年到部。方准收考。如將年遠貢缺。濫補市恩者。起送到部。卽將本生發回。革廩肄業。提學官叅究。

又題准。歲貢正陪。俱以屢經科舉者方准。仍以食糧年深爲序。同補則以原考案爲序。除停廩未復者。緣事開糧者。服闋及告病給假。過限不補考者。服滿未補。而緣事停降未復。而丁憂者。俱扣算作曠外。其餘

俱不作曠。停降考復緣事辨復者。以文到日爲始。准其實數。降增而復補廩者。准前後通算。就中較其糧數。以年月最深者爲正貢。其次以是爲差。每遇考貢之期。文到提調官。卽取教官廩膳里鄰合例甘結。備造年貌籍貫科舉次數。起送考選。如值出巡。遇便投考。考取領文日。卽開糧作缺。若已領硃卷。而丁憂患病者。仍作該年貢數。不另補。如一年內。人文未到部。而病故。或問革者。有司將原領卷單追繳。另送考選。如領過盤費。問革者。追病故者免。若於考後衰老荒

疎。不堪充貢者。同致仕例。以示優恤。不補貢。內有捏添科舉。隱匿停降。及受賄讓貢。并爭貢者。俱黜革。起送官吏。一併查究。

順治十一年。題准。直省考貢。限於一日內。考經書策論四篇。務取經書通明。策論淹貫之士。考完日照題定科場解卷限期。將原卷印封。解部磨勘。不許轉發騰紅。以滋改竄之弊。其貢卷到部。如有文理荒謬者。禮部會同禮科。指名叅處。

順治十五年。題准。歲貢生於禮部過堂時。詳查年力

強壯者方准送監。

康熙元年題准。歲貢一項。酌量裁減。府學三年出貢二名。州學二年出貢一名。縣學三年出貢一名。

康熙八年議准。歲貢仍令府學一年一貢。州學三年二貢。縣學二年一貢。

康熙三十六年題准。各省歲貢。有情願入監者。停其各學臣起送。從本州縣給文。准其人文到監肄業。

雍正元年覆准。雲南麗江府於康熙四十四年設學。額廩三十名。不便照府學額廩四十名。每年貢一名。

之例。應照州學出貢例。三年貢二名。

雍正三年覆准。廣西思明府額廩不滿十名。一年一貢。左州額廩十名。養利州永康州額廩不滿十名。年半一貢。此係設學之始所定額數。出貢太驟。與各省府州縣出貢定例不符。嗣後思明府左州養利州永康州均令四年一貢。

乾隆三年覆准。嗣後府州縣學廩生已經考取歲貢。給有貢單。於未經報部之前。本生物故者。卽於報冊內聲明達部。准作貢生。以示矜恤。其本年歲貢仍照

例將陪貢另選頂補。所有旗匾銀兩仍留給頂補之生。

乾隆五年覆准。查滇省向來考取歲貢必係實廩。方准考選。其候廩雖係年深亦不准出貢。此係該省相沿舊習。與各省之例不符。嗣後令該學政轉飭各該教官遇應貢之年。遵照定例。不論虛廩實廩一體挨次起送出貢。以昭畫一。并令該學政造具清冊報部查核。

一。凡恩貢。順治元年

恩詔直省府州縣學俱以本年正貢改為恩貢。次貢作正貢。此外有才學出眾。孝弟著聞者。聽學臣不拘廩附。特薦試用。

順治八年

恩詔准直省儒學恩貢一名。仍以正貢作恩貢。次貢作歲貢。

康熙十四年

恩詔直省儒學准以正貢作恩貢。次貢作歲貢。

康熙三十六年

恩詔直省儒學准以正貢作恩貢。次貢作歲貢。

康熙三十七年定三十六年

恩詔以正貢作恩貢。次貢作歲貢。應以本年遇

詔之正貢。改作恩貢。次貢揆充本年之歲貢。至歇貢之年仍

不准起送。通行各學政。已經起送本年歲貢到部者。

移咨吏部。改註作恩貢。該學政換給恩貢貢單。其未

經起送本年分歲貢者。該學政即行改作恩貢。造冊

送部。其歲貢俱遵

恩詔。照歲貢例。揆考一名。充本年分歲貢。

康熙五十二年

恩詔直省儒學。准以正貢作恩貢。次貢作歲貢。

雍正元年

恩詔准直省儒學。以正貢作恩貢。次貢作歲貢。其不值正貢

之府州縣衛學。准以次貢作恩貢。再次貢作歲貢。

雍正十三年

恩詔各直省儒學。無論府州縣衛。俱於本年以正貢作恩貢。

次貢作歲貢。

又定各省府州縣衛出貢。俱於本年以正貢作恩貢。

次貢作歲貢。其歇貢之州縣衛學。仍於次年舉行。

一。凡選拔貢。順治元年定。在外府州縣學廩生。赴提學道考試。選貢來京。以學達經濟。行合規矩者。方爲及格。

又奉

上諭。首舉選貢。掄才盛典。准先行歲考。補足廩生。以拔其尤。順天府特貢六名。每府學貢二名。州縣學各貢一名。其考試盤費。官爲資給。如有拔萃奇才。許特疏薦舉。

又題准。拔貢定例。俱彙通省廩生。於貢院中。兩場考試。士子跋涉艱苦。今聽提學於所至之地。便宜考試。

又議准。山東各學廩生。聽提學嚴加考試。擇其文學優長。年力強壯者。每府州縣。各於正額外。再加一名。選貢。其流寓在省諸生。亦取確當保結。另編字號。一體考試。果有學博才優者。視人數多寡。量取一二名。凡歸順地方。俱照此例行。

順治十一年。議准。直省儒學廩生內。通行考試經書策論。慎加選擇。務取學行兼優者。拔取一名。充貢。送部。其學政將各生原卷解部。仍令本生謄寫硃卷。粘連貢單。於布政司起文。取該府州縣學。各印結。賫投

本部彙送內院以候
廷試各學政仍將拔貢生員姓名籍貫備造花名文冊
報部存查

康熙十年題准於直省各學現考一二等生員內遴
選文行兼優者考充拔貢入監肄業

康熙二十四年議准於直省各學現考一二等生員
內考取文藝精醇品行端方者府學二名州縣學一
名准為拔貢入監讀書如該學無文行兼全者寧聽
缺額不得混取其考過試卷俱解送禮部磨勘有冒

濫不堪者考官一體糾叅

康熙三十六年題准照康熙十年二十四年例選拔
府學起送二名其餘各學起送一名滿洲蒙古起送
二名漢軍起送一名赴監如該學無文行兼優者寧
缺無濫

康熙三十九年議准嗣後遇行選拔之年以陪貢充
停止選拔

康熙六十一年覆准直省學臣於優等生員內照三
十六年例再行選拔一次如有冒濫文字不通者將

該學政照溺職例革職。

雍正五年奉

上諭直省拔貢舊例十二年題請舉行一次。後因各省學政不能秉公選取。國子監未便照例請行。於雍正元年特行一次。朕思各州縣每年歲貢。較其食廩淺深。挨次出貢。內多年力衰邁之人。欲得人材。必須選拔。著令各省學臣於科考時。照例府學拔取二名。州縣學拔取一名。寧缺勿濫。務取學問優通。品行端方。才猷可用之人。令其來京。朕將親行考試。令入國子監肄業。如有學問荒陋。人品不端。才

具庸劣者。將該學政嚴加議處。嗣後六年選拔一次。國子監屆期題請候旨。

雍正六年奉

上諭各省考取拔貢。原欲遴選儒生。以弘教育。向來之例。俱於現考一二等生員內。擇其文行兼優者。以為選拔。但恐作文有一日之短長。而文理平通。不列優等者。其人或品行端方。才猷練達。足備國家之用。亦未可定。若但論文去取。則此等之人。難以入選。嗣後著各省學政。不必拘一二三等之生員。俱准收考。酌量試以時務策論。其人果有識

見才幹。再訪其平日品行端方。即正考未列優等。亦准選拔。伊到成均肄業。仍可學習。如此則文行兼收。可以昭國家廣攬人材之典。特諭。

又奏准。查雍正元年拔貢。例用兩書。一經。一判。固所以覘文藝。今奉

特旨。酌量試以時務策論。尤所以見經濟。應酌定場規。分爲兩場。首場用四書兩篇。經一篇。二場用策一道。論一篇。判一條。俾士子從容研究。皆得盡一日之長。兩場俱佳。再細訪其品行端方者。應予選拔。即首場文藝

僅屬平通。而策論等項。果能曉暢古今。切中時務。再細訪其品行端方。亦應准其選拔。若策論不足以見才識。品行亦無足取。首場文藝縱極優長。亦不准選拔。考竣後。將兩場原卷。一并彙送禮部。細加磨對。乾隆元年。覆准。嗣後飭令各學臣。務須秉公考校。加意訪察。於廩生及優等生員內。拔取文行兼優之士。不得委任教官。以開奔競之門。至於咨送到部時。仍遵例奏請。

欽點大臣。嚴行考試。分別等第。其中如有文理荒謬者。本



生斥革。仍將該學政交部嚴加議處。於考列一等二等之內。九卿會同揀選。帶領引

見。其中果有卓越之才。自仰邀

聖明簡用。凡考列三等者。停其揀選。俱照舊例。劄監肄業。俾諸生讀書敦品。奮志上進。以成遠到之器。凡宗學義學教習。卽於此中考取補授。三年期滿。以知縣銓用。其入監肄業期滿者。俟吏部照例銓選。

乾隆二年。奏准。嗣後拔貢到部。停其揀選。引

見。仍由禮部奏派大臣考試。劄監肄業。其中如有文理荒謬者。本生黜革。將該學政嚴加議處。其肄業貢生。俟三年期滿。其中果有經義治事。精通練達。人品卓越。學識醇正者。祭酒等官。核實保薦。引

見。以知縣教職簡用。其餘仍照例以教職輪班序選。

一。優貢。雍正十一年。題請各省優生。令該學政出具考語。具題送部。原屬鼓勵人材之意。乃從前祇議升入太學。並未分晰貢監名色。以致一切考試錄用。皆無着落。今擬優生由廩。增升入太學者。准作歲貢。由附生。武生。升入太學者。准作監生。俱由禮部換給執

照劄監肄業等因奉

旨各省保送優生內廩增生俱著准作歲貢附生著准作監生該部劄監肄業其武生於到部時禮部考試文藝兵部考試騎射卽行具奏請

旨

一凡貢監順治二年定直省府州縣學不拘廩增附每學將文行兼優者大學起送二名小學起送一名入監肄業名爲貢監

順治四年定禮部會同內院將現在貢監生嚴加考

試除選取存監外其餘革去貢監發回原學分別照廩增附肄業及行原學點名有差

康熙二十四年覆准順治八年內將各學生員選其文行兼優者考選赴監又康熙十年內因監生中止有輸納一途貧窶之士無由觀光將生員遴選起送等因遵行在案今應照康熙十年事例府學起送二名其餘各學起送一名赴監如該學無文行兼全者寧缺毋濫其考過試卷俱解送禮部嚴加磨勘有冒濫不堪者將考官一體究叅

一。功貢。順治十一年定。隨征廩生。俱准貢監。生員有軍功二等。准作監生。更有軍功二等。准作貢生。此外有軍功。俱作紀錄。

一。副榜貢。順治二年定。順天府鄉試副榜五十五名。增附。准作貢監。廩生及恩拔。歲貢。貢監。俱免其坐監。卽與

廷試。

順治五年

恩詔。直省鄉試副榜諸生。廩監。准貢。增附。准入監肄業。

順治十一年。議准。直省鄉試副榜。各送監肄業。內廩生副榜。照恩拔貢生例。坐監六箇月。增附生副榜。照歲貢例。坐監八箇月。永爲定例。

康熙元年。題准。停止鄉試副榜貢額。

康熙十一年。議准。直省鄉試副榜。作貢送監。

一。凡貢生

廷試。順治二年。以三月十五日。

廷試貢生。吏禮二部官。同翰林院官。赴內院。共同閱卷定序。

順治三年題准直省歲貢生於每年四月十五日
廷試該學臣照例考定給單起送限三月內到部如過
期者候次年補試

順治四年頒起送貢生

廷試單文新式通行直省提學

順治八年題准

廷試貢生禮部會同內院吏部於四月十五日起
天安門外橋南行禮考試試畢禮部會同內院吏部閱
卷定序送吏部掛榜其考試人數當日另本奏

聞

順治十一年議准副榜貢生亦於四月十五日

廷試照例公閱止序卷次先後不定職銜將恩拔副榜
貢生及歲貢生中英年願入監肄業者一併送監依
期坐監撥歷後吏部會同內院禮部公考以定職銜
順治十六年題准

廷試貢生禮部會同翰林院吏部公同出題考試試卷
用翰林院印是日都察院派御史二員分東西班監
試兵部撥步軍校兵丁赴東西兩長安門看守工部

鋪設考官坐案。光祿寺備辦執事官飯桌十張。併舉人貢生供給。鴻臚寺官於

天安門外引禮。鑾儀衛撥旗尉赴考試處。揆檢看守。北

城兵馬司備官板四書五經綱鑑

大清律送部應用。以上事宜俱禮部咨劄行。

康熙元年題准。貴州省貢生暫免

廷試。咨送吏部。就近改補教缺。雲南省貢生亦暫免

廷試。咨行該撫。就近考試。將考過試卷封送吏部校閱。

定銜序選。

康熙二十三年議准。雲南蕩平後。歲貢生仍暫免

廷試。就本省考試。試卷解送禮部。閱定次序。移咨吏部。

其願

廷試者聽。

康熙二十六年覆准。直省歲貢俱免來京

廷試。著各學臣挨貢序考准。咨部補授訓導。捐納歲貢。

亦聽考送補授。願入監肄業者。學臣給文劄監。其舉

人就教者亦免

廷試。具呈吏部。照科分次序補用。

奏請具呈文淵閣撰錄大典新編

入備於書法苑

奉勅書表謝封疆人選

奏請各省學政詳報

奏請二十六平

政

奏

奏請各省學政詳報

奏請二十六平

欽定學政全書卷之四目錄

學制員額

欽定學政全書卷之四

學制員額

順治四年定直隸各省儒學視人文之多寡分大學中學小學大學取生員四十名中學取三十名小學取二十名

又定直省各學廩生府學四十名州學三十名縣學二十名衛學十名增廣生額數同

順治十五年題准儒童入學大府取二十名大州縣取十五名小學取四五名

順治十六年題准順天府儒童入學取二十五名宛平大興二縣各取二十名。

康熙九年題准各直省考取儒童府學二十名大州縣學十五名中學十二名小學七名或八名各省不等。

康熙二十八年奉

上諭江浙人文繁盛增廣入學額數遵

旨議定小學取生員十二名中學取十六名大學取二十名府學取二十五名。

又覆准貴州貴筑縣係兩衛歸并之縣人文漸盛照小學考取生員八名卽令新貴教官兼攝武生廩貢俱照例舉行至永寧獨山麻哈普定平越都勻鎮遠安化龍泉銅仁永從十一州縣向未設學應試之人於附近州縣考試其入學額數仍於各原額內考取冊內註明係何州縣人報部。

又議准四川奉節縣爲夔府首邑又兼大寧歸并人文漸盛應復設學照小學例考取生員八名。

康熙三十一年覆准貴州安化縣係思南府首邑照

貴筑縣例考取文武生員各八名其儒學事務即令府學教官兼攝其廩貢照例舉行

又覆准滇省自平定以來人文漸盛將師宗州復設學正一員元謀縣復設訓導一員定邊縣復設訓導一員以專訓迪照小學例各取進文武童生八名馬龍州寧州呈貢縣照中學例各取進文武童生十二名其廩貢俱照例舉行

康熙三十三年覆准宣化府學生員酌撥二名以足數宣化懷安二縣作大學定額十五名懷來萬全蔚

三縣作中學定額十二名西寧龍門赤城三縣作小學定額八名其揆廩出貢俱照例行武生亦隨文生額取

康熙三十八年奉

上諭江南浙江人文稱盛入學名數前已增額今著於府學大學中學小學各增取五名舉行一次以示獎勵人材至意

康熙四十二年覆准河南考城柘城溫登封四縣本係小學改為中學各取進童生十二名

康熙四十四年題准湖廣黃梅縣改復大學雲夢桂陽二縣改復中學照例考取。

康熙四十八年覆准陝州葉縣將中學改爲大學照例取進童生十五名。

又覆准直省各府府學於各州縣童生內量撥惟福建興化府但撥取莆田童生而不撥仙遊與例不符嗣後興化府學著將莆田仙遊二縣童生一體酌量撥取。

康熙五十年覆准廣西西隆州自改流以來從未建學今已建學宮嗣後歲科兩考取進文生各六名歲考取進武生六名撥武緣縣儒學訓導一員移駐西隆州以專督課。

康熙五十二年覆准廣西西隆州學宮已成。

文廟照例丁祭生員補廩四名增生五名三年兩次出貢。康熙五十三年覆准乾州鎮溪所修建學宮照五寨司例取進文武童生各八名以瀘溪縣訓導就近兼攝。

康熙五十四年覆准湖北安陸府首邑鍾祥縣向未

設學取進文武生童。統附府學教授兼攝。今准建學宮。增教諭訓導各一員。

又覆准直隸人文日衆。增廣學額。除順天府學。大興宛平縣學。名數與江浙同。無庸加增外。其餘府學。定額各二十名。今增三名。共取進二十三名。州縣衛大學。各十五名。今增三名。共取進十八名。中學。定額各十二名。今增三名。共取進十五名。小學。定額八名。今增二名。共取進十名。

又覆准貴州安順府南籠廳。照湖廣鎮溪所例。設立學校。取進文武童生各八名。分普安縣訓導。專司學務。

康熙五十五年。覆准湖廣岳州府湖西六屬。限隔洞庭。赴試恐致漂溺。嗣後於澧州另建考棚。其原撥府學文武舊生。令府學教官清查。分造二冊。將府學訓導改駐澧州。考試時。東四屬。令教授造冊送考。其西屬。令訓導造冊送考。文武童生。照直隸州例。令澧州知州考送。學臣撥進府童。卽於本地發案。廩增額數。亦各分一半。出貢。亦各輪貢一年。

康熙五十七年。覆准江南寧國府南陵縣。賦稅額多。改中學爲大學。考取文武童生二十名。

康熙五十八年。覆准浙江金華府之武義縣。賦稅多。於浙中中學之縣。向照小學例考取童生。嗣後照中學考取。

又覆准江西贛州府興國縣。賦役殷盛。著改小學爲中學。取進童生十二名。

康熙五十九年。題准浙江衢州府西安縣孔氏。本

至聖嫡裔。自宋南渡遷浙。歷今讀書人多。嗣後於歲科正

額外。取入童生二名。

又覆准河南襄城縣。供賦額多。將中學改爲大學。取進童生十五名。

又覆准貴州平越府屬之黃平州。向與興隆衛爲兩中學。因裁去衛學。歸併黃平爲一中學。今應試之童生。數倍於前。應將黃平州學。改爲大學。取進文武童生各十五名。

又覆准四川東川府。照烏蒙縣例。歲科兩考。各取進文生員十五名。歲考取進武生十五名。自康熙六十

年爲始。其補廩出貢。俟人文漸盛。該督再行具題。

又覆准山西太平縣。向係中學。今改爲大學。取進童生十五名。浮山縣。向係小學。今改爲中學。取進童生十二名。

康熙六十年。覆准江南銅陵縣學。向係小學。今改爲中學。

康熙六十一年

恩詔直隸各省儒學大學。加取七名。中學。加取五名。小學。加取三名。舉行一次。後不爲例。

雍正元年。覆准直省各府學。亦遵

恩詔內大學例。加取七名。舉行一次。

又覆准

盛京奉錦二府。遵康熙六十一年

恩詔各學廣額。於原額七名者。加取七名。四、五名者。加取四、五名。二名者。加取二名。滿合字號六名者。加取六名。四名者。加取四名。舉行一次。

雍正二年。覆准廣西西陵縣。久同西隆州。改土歸流。照五十年。西隆州建學定額例。歲科試取進文章生

各四名。歲試取進武童生四名。即將思恩府訓導一員移駐西陵縣。專司督課。

又奉

上諭。我

聖祖仁皇帝壽考作人。六十年來。山陬海澨。莫不家弦戶誦。直省應試童子。人多額少。有垂老不獲一衿者。其令督撫會同學臣。查明實在人文最盛之州縣。題請小學改為中學。中學改為大學。大學照府學額取錄。督撫務宜秉公詳查。不得徇私冒濫。遵

旨查核題准。直隸順天府。大興。宛平。一學。實分三學。今照三

大學例。俱加七名。各取進二十五名。文安。通州。寶坻。

豐潤。蠡縣。高陽。河間。任邱。景州。冀州。定州。南宮。棗強。

清豐。滑縣。東明。開州。長垣。等十八州縣。向係大學。今

照府學額。各取進二十三名。薊州。盧龍。遷安。昌黎。樂

亭。博野。祁州。安州。新安。獻縣。阜城。靜海。寧津。天津。衛

萬全。蔚縣。衡水。安平。雞澤。成安。清河。魏縣。南樂。內黃。

等二十四州縣。向係中學。今改為大學。取進各十

八名。香河。順義。深澤。青縣。西寧。靈壽。行唐。贊皇。新河。

高邑。無極。新樂。曲陽。廣宗。唐山。內邱。等十六縣。向係小學。今改爲中學。取進各十五名。

江南蘇松等所屬之上元。江寧。句容。溧陽。太倉。長洲。吳縣。吳江。常熟。崑山。嘉定。華亭。婁縣。上海。青浦。武進。無錫。江陰。宜興。丹徒。丹陽。金壇。邳州。山陽。鹽城。高郵。通州。泰州。江都。儀徵。泰興。興化。等三十二州縣。向係大學。今照府學額。各取進二十五名。溧水。高淳。崇明。海州。清河。桃源。安東。宿遷。睢寧。沐陽。寶應。如臯。等十二州縣。并金山一衛。向係中學。今改爲大學。各取進

二十名。江浦。六合。贛榆。等三縣。向係小學。今改爲中學。各取進十六名。其海門鄉。向係海門縣。後裁併通州。另取六名。今准其增額四名。安徽所屬之懷寧。桐城。宣城。涇縣。鳳陽。廣德。等六州縣。向係大學。今照府學額。各取進二十五名。潛山。太湖。宿松。黟縣。寧國。旌德。太平。貴池。青陽。建德。當塗。蕪湖。無爲。六安。泗州。合肥。宿州。亳州。含山。建平等二十州縣。向係中學。今改爲大學。各取進二十名。望江。東流。繁昌。舒城。廬江。臨淮。定遠。蒙城。懷遠。等九縣。向係小學。今改爲中學。各

金定學政全書 卷之四
取進十六名

江西之南昌。新建。豐城。高安。宜春。清江。廬陵。吉水。安福。臨川。金谿。南城。新城。上饒。鄱陽。贛縣。寧都。等十七縣。向係大學。今照府學額。各取進二十名。奉新。永新。宜黃。東鄉。南豐。廣昌。貴溪。餘干。星子。都昌。建昌。德化。湖口。大庾。等十四縣。向係中學。今改爲大學。各取進十五名。萍鄉。峽江。玉山。安仁。安義。瑞昌。南康。石城。等八縣。向係小學。今改爲中學。各取進十二名。

浙江之仁。和。錢塘。海寧。嘉興。秀水。嘉善。海鹽。平湖。烏程。歸安。德清。鄞縣。慈谿。山陰。會稽。諸暨。餘姚。臨海。金華。蘭谿。西安。建德。淳安。永嘉。麗水。等二十五縣。向係大學。今照府學。各取進二十五名。奉化。新昌。嵯縣。天台。永康。常山。瑞安。平陽。等八縣。向係中學。今改爲大學。各取進二十名。於潛。昌化。湯溪。江山。等四縣。向係小學。今改爲中學。各取進十六名。又定海縣。向止額取十一名。今改爲小學。取進十二名。

福建之閩縣。侯官。長樂。福清。莆田。仙遊。晉江。南安。惠安。同安。安溪。龍溪。漳浦。海澄。南靖。平和。南平。建安。甌

寧建陽崇安邵武長汀上杭永定福寧州等二十六
州縣向係大學今照府學額各取進二十名連江福
安二縣向係中學今改為大學各取進十五名永春
德化尤溪向係小學今改為中學各取進十二名
湖北之江夏武昌興國州黃岡蘄水黃梅黃陂京山
天門沔陽州孝感江陵公安石首監利襄陽等十六
州縣向係大學今照府學額各取進二十名大冶雲
夢二縣向係中學今改為大學各取進十五名應山
縣原係小學今改為中學取進十二名

湖南之長沙善化湘潭茶陵州攸縣益陽衡陽衡山
耒陽零陵祁陽邵陽武岡州新化巴陵華容澧州武
陵桃源會同郴州靖州等二十二州縣向係大學今
照府學額各取進二十名湘鄉寧鄉常寧安鄉溆浦
永興桂陽等七縣向係中學今改為大學各取進十
五名辰溪向係小學今改為中學取進十二名
山東之歷城章邱泰安州萊蕪德州武定州濱州滋
陽滕縣濟寧州魚臺單縣曹州曹縣東平州沂州四
氏學聊城高唐州濮州益都壽光安邱諸城掖縣膠

州蓬萊萊陽等二十八州縣向係大學今照府學額各取進二十名新城濟陽長清陽信海豐樂陵商河利津霑化寧陽鄒縣城武定陶鉅野鄆城汶上東阿陽穀堂邑在平館陶臨淄昌樂莒州日照高密卽墨棲霞寧海州文登等三十州縣向係中學今改爲大學各取進十五名嶧縣費縣觀城高苑蒙陰等五縣向係小學今改爲中學各取進十二名

山西之陽曲榆次文水臨汾洪洞曲沃翼城聞喜汾陽介休忻州代州長治蒲州臨晉猗氏解州安邑澤州高平陽城絳州太平襄陵等二十四州縣向係大學今照府學額各取進二十名絳縣臨縣大同蔚州朔州遼州平定州孟縣崞縣夏縣沁州稷山等十二州縣向係中學今改爲大學各取進十五名黎城壺關繁峙保德州興縣吉州隰州等七州縣向係小學今改爲中學各取進十二名又太原平陽二府府學向係所屬州縣內撥取今太原府分設直隸諸州屬府轄者止存十一州縣平陽府分設直隸諸州屬府轄者亦止存十一州縣不便將州轄之童生照舊撥

入府學。今學臣將府學二十名。卽於府屬各州縣撥入。其蒲州等十二州縣。除聞喜縣已屬平陽府。撥入府學外。其餘十一州縣。照舊例聽往運學考試。

河南之祥符。杞縣。太康。陳州。商邱。永城。鹿邑。睢州。安陽。河內。洛陽。等十一州縣。向係大學。今照府學額。各取進二十名。陳留。通許。中牟。西華。臨漳。濟源。武陟。孟縣。溫縣。偃師。靈寶。等十一縣。向係中學。今改爲大學。各取進十五名。滎陽。原係中學。後改小學。今准復爲中學。取進十二名。原武。長葛。臨潁。三縣。向係小學。今

改爲中學。各取進十二名。

陝西之蒲城縣。及寧夏等衛。向係大學。今照府學額。各取二十名。咸陽。同州。乾州。武功。鄠縣。興平。膚施。洛川。清澗。寶雞。城固。興安州。涇州。安化。會寧。文縣。伏羗。秦安。等十八州縣。向係中學。今改爲大學。各取進十五名。三水。商州。安平。葭州。汧陽。沔縣。鎮原。盛寧。禮縣。等九州縣。向係小學。今改爲中學。各取進十二名。華陰縣。向係中學。今潼關。衛。裁去衛籍。併入華陰縣。准照府學額。取進二十名。鳳翔。慶陽。二府學。向止取十

五名。今俱准如府學定例。各取進二十名。鎮番衛。向係小學。今人文最盛。特改為大學。取進十五名。平涼府。向係中學。有平涼衛籍八名。附入府學。今衛籍雖裁。仍准如府學定例。取進二十名。涼州衛。向係中學。今改為大學。取進十五名。古浪所。向取童生八名。附入涼學。涼學廩增。舊止二十名。今增古浪所八名。准加廩增各十名。其出貢。舊照縣學例。兩年一貢。今照州學例。三年兩貢。

四川之成都。崇慶州。簡州。閬中。南部。遵義。眉州。功州。

雅州。瀘州。等十州縣。向係中學。今改為大學。各取進十五名。嘉定州。向係大學。今照府學額。取進二十名。溫江。新繁。新津。郫縣。巴縣。江津。南充。宜賓。富順。奉節。綏陽。洪雅。遂寧。等十三州縣。向係小學。今改為中學。各取進十二名。

廣東之南海。番禺。東莞。順德。新會。香山。海豐。海陽。潮陽。揭陽。澄海。等十一縣。向係大學。今照府學額。各取進二十名。三水。增城。保昌。英德。興寧。長樂。龍川。程鄉。饒平。儋州。等十州縣。向係中學。今改為大學。各取進

十五名。新寧。和平。永安。大埔。惠來。平遠。鎮平。開平。吳川。東安。西寧。等十一縣。向係小學。今改爲中學。各取進十二名。

廣西之臨桂。全州。蒼梧。鬱林。州。懷集。宣化。橫州。新寧。州。賓州。上林。等十州縣。向係大學。今照府學額。各取進二十名。靈川。興安。灌陽。桂平。貴縣。隆安。永淳。武緣。等八縣。向係中學。今改爲大學。各取進十五名。平南。向係小學。今改爲中學。取進十二名。

雲南之昆明。安寧州。晉寧州。宜良。南寧。尋甸州。建水。州。石屏州。通海。河西。河陽。新興州。太和。趙州。鄧川州。浪穹。劍川州。保山。騰越州。楚雄。等二十州縣。向係大學。今照府學額。各取進二十名。呈貢。陸涼州。霑益州。寧州。阿迷州。蒙自。雲南。賓川州。等八州縣。向係中學。今改爲大學。各取進十五名。和曲州。向係小學。今改爲中學。取進十二名。再准該撫所請。將黑白琅三井。於州縣外。另爲設學。俱照小學。各取進八名。貴州之貴陽。威寧。二府學。向各止取十五名。鎮遠府學。向止取十六名。今俱准如黔省府學定例。各取進

二十名。貴筑縣向係大學。今照府學額。取進二十名。畢節縣向係中學。今改爲大學。取進十五名。貴定。清鎮。普定。甕安。安化等五縣向係小學。今改爲中學。各取進十二名。

雍正三年覆准廣西西林縣太平土州初行設學。不便遽補廩增。俟兩經歲科考後。生員額多。照西隆州例酌量補廩二名。補增三名。其出貢。俟補廩十年後。照縣學例。兩年一貢。

又覆准新改直隸州及該州所轄之縣。嗣後考試童生。無庸撥入府學。止於府屬各州縣內。擇其文優者。撥取。至從前撥入府學之生員。不必令其改歸。

又覆准廣西崇善荔波二縣。原係土屬。改流已久。照西林縣例。取進文武生員各四名。

又覆准黔省南籠廳。設學已經十年。人文繁盛。照小學例。開廩缺二十名。歲科兩試。挨次撥補。

雍正四年覆准山西新設翔平寧武二府。應照晉省大學例。取進文武生員各十五名。廩增額數各二十名。兩年各出一貢。其右玉縣原係兩衛併爲一學。應

取進生員十五名。左雲平魯二縣照舊衛學額。各取進生員八名。大同府新設陽高天鎮二縣亦照舊衛額。取進生員各八名。以上五學廩增出貢俱照縣學之例。至寧武府屬之寧武關新設縣學應照小學取進生員八名。廩增出貢俟十年後題請再議。至偏關縣原係兩所併爲一學應取進生員十五名。其廩增出貢俱照縣學之例。又新設神池五寨二縣應酌量取進生員各六名。俟人文充盛題請再議。

又議准東川府改隸雲南應試童生無多照小學例取進十名。至再議加額及補廩出貢俟人文漸盛督撫具題。

又覆准江南蘇松常三府新分元和等十三縣原係長洲等舊縣分設地不加廣人不加多取進生員從前已經增額今不便復議加增應行令該撫查明新舊州縣所分地方之大小人數之多寡卽於二十五名正額內分取并現有之廩增文武諸生分撥數目一并造具清冊送部查核嗣經酌量分定蘇州府長洲縣學額進一十三名元和縣學額進十二名吳江

縣學額進十二名。震澤縣學額進十三名。常熟縣學額進十三名。昭文縣學額進十二名。崑山縣學額進十二名。新陽縣學額進十三名。松江府華亭縣學額進十三名。奉賢縣學額進十二名。婁縣學額進十三名。金山縣學額進十二名。上海縣學額進十三名。南匯縣學額進十二名。青浦縣學額進十二名。福泉縣學額進十三名。常州府武進縣學額進十二名。陽湖縣學額進十三名。無錫縣學額進十二名。金匱縣學額進十三名。宜興縣學額進十三名。荆溪縣學額進

十二名。直隸太倉州學額進十三名。鎮洋縣學額進十二名。嘉定縣學額進十三名。寶山縣學額進十二名。其廩增生額數俱各半分隸。

雍正五年。覆准陝西潼關衛改爲潼關縣。前因該衛奉裁。所有文武童生歸併華陰縣考試。將華陰縣額取十二名之中縣。照府大學廣爲二十名。今該衛旣改爲縣。其華陰仍照中學額進十二名。所改之潼關縣學應照該衛原額。文武童生各取進十二名。廩增名數照各縣例。各額設二十名。膳夫二名。出貢之年。

亦照縣學例。兩年一貢。

又覆准河南胙城縣裁汰。歸併延津縣管轄。查胙城延津二縣均係小學。每歲科兩考。額取文童生各八名。歲考額取武童生各八名。今胙城裁併延津縣。應照大學例。歲科兩考。各取進文童生十五名。歲考取進武童生十五名。至縣學廩額二十名。兩年一貢。今胙城延津既歸併一縣。將廩生四十名。仍照常兩年一貢。未免壅滯。應於出貢之年。准其出貢二名。其廩缺停其頂補。俟廩至二十名。仍照各省縣學例。兩年一貢。廩生缺出。准其頂補。

又覆准山東萊州府復州衛。金州衛。歸併奉天府。現由奉天府府丞考試。此二衛民人。留居山東者。不過數家。卽入萊州府民籍。一體考試。將二衛文武童生。入學額數。盡行裁停。現在二衛生員。改歸萊州府學。其衛學廩增額缺。停其頂補。至廩生分項出貢之處。查定例。府學一年一貢。衛學二年一貢。今將二衛廩生。歸併萊州府學。若仍每年一貢。未免壅滯。將萊州府學。每年出貢二名。萊州府學廩生。出貢一名。金復

二州廩生。輪貢一名。俟二衛出貢完日。仍照舊例。每年出貢一名。

又覆准四川東川府。歸併雲南。所有東川府外州縣寄籍入學各生。令赴雲南應試。道遠未便。將現在外州縣寄入東川府學文武生員。改歸本籍之學應試。其東川府土著文武生。仍歸併雲南應試。嗣後隣近府州縣童生。冒籍東川府應試。永行嚴禁。

雍正六年。覆准雲南烏蒙府州縣。取進文武童生各十名。

又覆准四川黎大所。原爲州治。自兵燹之後。人士稀少。生童寄籍於各府州縣衛所考試。茲該所人民生齒日繁。文風漸盛。宜專設一學。令生童肄業。自雍正五年歲考爲始。取進文武童生各六名。其補廩出貢。俟人文日盛。該撫題請到日再議。

雍正七年。覆准湖南九谿永定二衛。原係小學。每衛取進童生各八名。今既合爲一縣。請照大學例。取進童生十五名。

又覆准湖北施州衛。既改爲恩施縣。應照各縣學例。

將原設廩增各四十名之數各裁去二十名各留二十名二年出貢一名。

又覆准雲南普洱既改爲府應設學校教職其所設教職在於元江府學調撥訓導一員董率啟迪入學額數應照滇省小學例取進八名俟人文漸盛該督撫題請到日再議廣額其從前附入元江府學各生俱令撥入普洱府學該學政另造清冊報部查核。

又覆准山西臨晉縣原額取進童生二十名今既分爲兩縣應各取進童生十名准其將臨晉縣訓導一員分撥新設之縣辦理學務。

又覆准四川華陽縣裁併成都縣已久今雖復設華陽仍係成都分出之縣地不加廣人不加多其廩增生員不便更添應將成都縣額進童生十五名併額設廩增各二十名分半歸華陽縣學其現在之附生武生一併查明居址分撥兩縣隸成歸成隸華歸華分晰報部查核至歲科取進童生撥入府學之數亦令兩縣分派量撥再查成都縣學原係二年一貢今將二十名廩額分撥兩縣自應兩年輪貢如前二年。

成都縣學出貢一名。後二年，卽華陽縣學出貢一名。照此輪轉出貢。又威州原取入學十二名，保縣原取入學八名。但威州僻處邊荒，人文未盛，向來間有缺額之時。今旣裁併保縣，應將保縣照中學取進文武童生各十二名，廩增出貢俱照縣制。廩增各二十名。二年出貢一名。至威州學舊有廩生三十名，不便又分寄別學，應卽附於保縣食糧，暫照州學例。三年出貢兩名。所出廩缺，不准頂補。內有候廩者，亦照年分聽候挨貢。其增附生員於歸併後，有考居優等者，應

與保縣學生員一體補廩出貢。又馬湖府已經裁汰所屬屏山縣，現歸敘州府管轄，並未設學，應將府學生員改作縣學。嗣後歲科兩考，照大縣學取進文武童生各十五名。其府學舊有廩額四十名，應暫准照舊食糧。每年出貢一名。缺出，不准頂補。俟餘剩實廩至二十名之時，遇有缺出，方准頂補。其頂補之廩生，二年出貢一名。與各縣體制畫一遵行。以上各學取進，俱以雍正八年爲始。

雍正八年，定黃陂、孝感二縣改歸漢陽府管轄。其原

撥入黃州德安二府各生。照例改歸漢陽府學。廩增各生。俱以候廩候增。與漢陽府學生員。照考案先後。挨次間補。較其食糧年分。一體出貢。從前黃州德安二府學內。有黃陂孝感生員。科考前列。應行批補者。不得在黃州德安二府頂補。

又覆准山東東平等四州。改爲直隸州。將所屬文武生員。在府學者。應查明籍貫。係州籍者。改歸州學。係縣籍者。改歸縣學。其廩增生員。俱改爲候廩候增。與本州縣學生員。照考案先後。挨次間補。較其食糧年

分。一體出貢。至濟寧州鄆城縣。仍歸兗轄。嗣後該州縣學。新進童生。仍照例撥入府學。又濟南等府。既經分出直隸泰安等州。其入學名數。仍照舊額。取進二十名。似屬太浮。今將濟南府學額內。減去六名。歸於泰安等三州。兗州府學額內。減去六名。歸於曹州等三州。東昌府學額內。減去四名。歸於高濮二州。青州府學額內。減去二名。歸於莒州。其武童亦照文童之例。一體減撥。拔取。

又覆准四川復設之十四縣。除大足璧山定遠安岳

四縣。先年裁縣。未經裁學。應照舊遵行。不議外。應將新津。郫縣。新繁。三縣。原額取進文武童生各十二名。原設廩增各二十名。與新設之雙流。崇寧。彭縣。平分取進文武童生各六名。廩增各分十名。仍照縣學二年一貢之例。新舊兩縣。輪流出貢。其德陽。梁山。原額取進文武童生各八名。原設廩增各二十名。與新設之羅江。新寧。各分取進四名。原額廩增各分十名。亦照縣學二年一貢之例。兩縣輪流出貢。至綿州分設之彰明一縣。亦將原額取進文武童生各十二名。以

七名歸綿州。分撥五名歸彰明。原額廩增各三十名。以二十名歸綿州。以十名歸彰明。照州學三年兩貢之例。輪流出貢。於應貢之年。州貢二名。挨次縣貢一名。週而復始。其眉州分設之青神。彭山。兩縣。將原額取進文武童生各十五名。以七名歸眉州。以八名歸青神。彭山。各分四名。原額廩增各三十名。以十四名歸眉州。以十六名歸青神。彭山。各分八名。仍照州學三年兩貢之例。一州二縣。輪流出貢。於應貢之年。州貢一名。此縣貢一名。再州貢一名。然後彼縣貢一名。

週而復始。以符定額。又榮縣原係小學。人文稱盛。今分設威遠一縣。若平分舊額。未免遺珠。應將榮縣威遠均改作中學之半。取進文武童生各六名。廩增各分十名。照縣學二年一貢之例。兩縣輪流出貢。又奉節原係中學。今分設大寧一縣。人數僅有奉節三分之一。應將原額取進文武童生各十二名。以八名歸奉節。以四名歸大寧。原額廩增各二十名。以十三名歸奉節。以七名歸大寧。仍照縣學二年一貢之例。兩縣輪流出貢。又查川省分設新舊各縣。暫依舊額。取進四名六名。不無遺珠。應俟人文充盛之日。該省學政具題到日再議。

雍正九年。覆准江西棚民。近年讀書愈衆。各州縣棚民入籍二十年以上。有田糧廬墓者。多至六七百名。少亦不下數十名。應飭令地方官逐一清查。有實在入籍二十年以上。有田糧廬墓者。准其在各居住之州縣一體考試。其棚民文武童生之數。滿五十名以上者。額外取進文武童生各一名。數滿百名以上者。另取進二名。數滿二百名以上者。另取進三名。其最

多者亦以取進四名爲率。如數不滿五十名者，令與本籍童生一體憑文考取。俟人數至五十名，再議定額。其年例不符者，不許濫行收試。至棚民之兄弟、姪及外姻親屬，仍居原籍，未曾同爲棚民者，不許頂冒應試。而本籍童生亦不得混入棚民內冒考。違者均照冒籍例治罪。各於本童應考之時，取具里鄰甘結，及五童互結，方准報名應試。至棚民取進入學以後，歲科兩考，俱照本籍生員一體應試。幫補廩增及選拔、挨貢科舉一體遵行。

又覆准貴州大定府原係州學額取童生十五名。威寧州原係府學額取童生二十名。今大定改州爲府，地廣人稠，家事詩書其額取童生應於原額之外，加增五名。每考取進文武童生各二十名。至威寧雖改府爲州，而讀書向學之士，彬郁從風，應仍舊每考取進文武童生各二十名，免其減額。

雍正十年覆准直隸天津既改州爲府，其取進之童生與廩增出貢均應照府學之例。取進文武童生各二十名。於所屬各州縣童生內考取撥入額設廩增

各四十名。於雍正癸丑年歲考爲始。將一二等生員。挨次幫補。其廩生食糧銀兩。於天津縣地糧銀內支給。造冊報銷。仍照例俟十二年後。一年一貢。

又覆准河間府學額數。既將商竈二籍。改歸天津。其文章未便照二十三名之額取進。但裁去商竈之數。止取八名。似屬太少。應照各府學例。取進文章二十名。其武童除改歸天津商竈二籍十三名外。應取進二十二名。又寶坻縣舊額取進文章二十三名。武童二十名。今分改寧河縣。查梁城所。向爲寶坻人文之

地。文章應寶坻縣取進十二名。寧河縣取進十一名。武童寶坻縣取進十二名。寧河縣取進八名。寶坻縣廩增各額。悉照舊例各二十名。寧河縣額設廩增各二十名。廩生餼糧。於該縣地糧銀內留支報銷。照例兩年一貢。於雍正癸丑年歲考爲始。將寧河縣一二等生員。挨次幫補。其出貢年分。亦如天津府學之例。於甲子年爲始。其現在二縣文武生員。應查明居址。按籍分撥。又天津縣考取童生額數。仍照天津州舊額。文章取進十八名。武童取進十五名。照縣學例。廩

增各二十名。兩年一貢。現在之廩增。該學政酌量頂補深淺。存留各二十名。遇應貢之年。一體出貢。其餘廩增。俱酌改天津府學。

又覆准四川成都華陽。原係兩縣。又係省會首邑。與他處一縣分爲兩縣者有別。應將成華兩縣。俱照中學之例。歲科兩試。每縣各取進文章生十二名。其武童名數。亦照文章之例。歲考每縣各取進十二名。又覆准湖南澧州。既改爲直隸州。應將澧州六屬。從前撥入岳西府學各生。令該教官查明籍貫。係州籍

者。改歸州學。係縣籍者。改歸縣學。其廩增生員。俱改爲候廩候增。與本州縣學生員。照考案先後。挨次間補。較其食糧年分。一體出貢。其岳西府學。原分廩增出貢一半額數。應仍歸岳州府學。又九谿永定二衛。歸併安福縣學。應將二衛原額廩增各二十名。查明各生補缺先後。儘先補者。每衛存實廩實增各十名。以符縣學二十名之額。餘俱改爲候廩候增。其廩生。照縣學二年一貢之例。挨次輪貢。其九永二衛文武舊生。散在澧州等處者。照依戶口田糧。附近新縣者。

撥歸新縣。遠在各屬者。撥歸各屬。

雍正十年。覆准湖南九谿永定二衛。併歸安福縣學。所有二衛文武舊生。散在澧州等處。附近新縣者。撥歸新縣。遠在各屬者。撥歸各屬。業於雍正九年。覆准在案。但永順桑植二縣。尙未設有學校。其撥歸永順之生員四十名。無學可歸。應令其暫附安福縣學。與本學生員一體考試。分別等第。仍將撥歸之生。另造清冊。送部查核。其撥歸永順之廩增。照舊註冊。應出貢者。准其一體出貢。其增附生。有考居前列者。與本

學生員。照考案先後挨次間補。

又覆准鎮沅府恩樂縣二處地方。新經改土歸流之區。應均照小學例。歲試取進文武童生各八名。分定土著寄籍各四名。科試取進文章各八名。其府縣二學。設立廩增出貢之處。俟人文充盛之日。該撫題請到日再議。

雍正十一年。覆准廣西鎮安。既改爲專府。統轄各屬。又有新經改隸之湖閩。下雷二處。應准其設立府學。歲考取進文武童生各十二名。科考取進文章十二

名并設教授一員以董學務將從前文武生童查明撥歸至泗城府雖向無定額但現設教授一員又有所轄州縣應照鎮安之例歲試取進文武童生各十二名科試取進文章十二名以示鼓舞又慶遠府屬改流之東蘭州鎮安府屬改流之歸順州均應各設學正一員以董學務每學歲試取進文武童生各四名科試取進文章四名又思明府改為土州歸併寧明州管轄應將思明府學改為寧明州學照大州學之例歲試取進文武童生各十五名科試取進文章

十五名。

雍正十二年奉

上諭

畿輔為天下首善之地是以各府州縣童生入學之數曾加恩增添以示鼓勵惟宣化府屬之蔚州從前原隸山西廣平府屬之磁州從前原隸河南及改歸直隸之後其入學仍照晉豫原額未與直隸一體邀恩又新從山西改歸易州之廣昌縣雖係山邑而入學之數尚不及直隸之小縣此兩州一縣均當酌議加增者再者每遇鄉試之年宣化府屬另立旦字號與夾字號額數相同各取中三名

今宣郡人才漸好。又添蔚州一屬。應舉人數加多。查夾字號前已廣額二名。則旦字號亦應加增中式之數。著禮部定議具奏。覆准將蔚州磁州照直隸大州縣入學額數。每州於原額十五名外。加增三名。各額進文章十八名。廣昌縣照直隸小縣入學額數。於原額八名外。加增二名。額進文章十名。以昭畫一。以示勸勵。

又覆准貴州南籠府屬永豐一州。雖屬苗疆。亦多土民。土民本係漢人。歸化已久。喜習文藝。其子弟從師義學。亦多俊穎。頂岡長壩澤亨羅斛等處。學習詩書

者。均出應考。應將永豐州照荔波縣設學之例。歲科各取進文章四名。以廣文教。如文理未順。寧缺毋濫。又黎平府屬古州一處。雖未設學。然地方遼闊。田土殷饒。苗民繁庶。子弟皆喜向學。應將黎平府屬古州。照天柱開泰兩縣從前添設苗額之例。擇其文理通順者。酌量取進一二名。附入府學苗童之後。以示鼓勵。

又覆准查陝西商興二州屬之鎮安山陽商南平利紫陽石泉白河七縣。俱係小學。從前因應試人少。不

能足額。現在本籍應考人數。合計文武最少者三四十人。多者至百餘人。應試人多。則取進童生。并廩增名數。宜復原額。應將鎮安等七縣。仍照小學原額。取進文武童生各八名。七學廩增額數。亦應仍照原額。二十名之數。俟歲科兩試。考居優等者補足。又紫陽山陽商南三學廩生。已敷原額。自雍正十二年起。應俱准其照例二年一貢。其石泉鎮安。現在廩生十四名。十三名不等。自雍正十二年起。應暫准其三年一貢。俟考居優等者。陸續補足原額。廩生二十名之數。

仍准其照例二年一貢。平利白河二縣。現在十名。九名不等。自雍正十二年起。暫准其四年一貢。俟考居優等者。陸續補足原額。廩生二十名之數。仍准其照例二年一貢。

又議覆直隸學政吳應棻題請保定正定二府學額內童生撥歸直隸各州一疏。將保定府學文武童生。各量減三名。以二名歸於易州。以一名歸於定州。俱在各州及所屬縣內選取。撥入州學肄業。又疏稱正定府學文武額內。各量減九名。以三名歸於冀州。以

三名歸於趙州。以二名歸於深州。以一名歸於定州。但正定府爲畿南重地。人文較盛他郡。若減去九名。文童僅存十四名。武童僅存十一名。是大郡府學。反不及中學額數。似屬未均。可否酌加幾名等語。部議應於正定府學文童二十三名。武童二十名額內。各量減七名。以二名歸冀州。以二名歸趙州。以二名歸深州。以一名歸定州。俱在各州及所屬縣內。選取撥入。其正定府學文童應存留十六名。武童應存留十三名。不必另行加增等因。奉

旨。改設直隸各州。應增入學額數。著照該學政所請行。其保定。正定。府學文武童生。仍照原額取進。不必裁減。

雍正十三年。覆准江南揚州府江都縣。原額取進文生二十五名。武生十五名。廩增各二十名。今新分甘泉縣。應照長洲分隸元和縣之例。各半分取。江都應取進文生十三名。武生八名。甘泉縣應取進文生十二名。武生七名。其原額廩增。各半分隸兩縣。廩增缺出於新舊兩縣。各歸挨補。現在文武諸生。令該地方查清居址。就近分撥兩縣肄業。其原編廩糧。各半分

支廩生出貢年分。查縣學舊例。廩額二十名。兩年一貢。今以江都現在食餼之廩生。半撥甘泉。應統計二縣廩生。食餼年分深淺。仍照二年一貢之例。挨次輪間出貢。所撥之舊廩。出貢完後。其兩縣新補之廩生。各准其四年一貢。又查山陽鹽城二縣。原額各取進文生二十五名。武生十五名。原額廩增各二十名。今新分阜寧一縣。係山陽鹽城二縣劃分。應於山陽取進文武生員額內。撥歸阜寧文生六名。武生四名。於鹽城取進文武生員額內。撥歸阜寧文生六名。武生

四名。歲科兩試。山陽額進文生十九名。歲試額進武生十一名。鹽城額進文生十九名。武生十一名。阜寧額進文生十二名。武生八名。其應撥入府學者。該學政憑文撥取。其廩增生員。於山陽廩增額內。撥入阜寧各六名。鹽城廩增額內。撥入阜寧各四名。山陽留廩增各十四名。鹽城留廩增各十六名。阜寧撥分廩增各十名。廩增缺出。諸生考取前列者。在各本學幫補。至出貢年分。現在山陽鹽城。分撥阜寧之廩生。應各與所撥之縣。統計食餼年分淺深。仍照例挨次二

年一貢。俟分撥之舊廩出貢完後。其各本學新補之廩生。山陽。鹽城。兩縣。各五年二貢。阜寧縣。四年一貢。又覆准。江南蘇州。淮安。揚州。三府。分設直隸太倉。通州。海州。等三州。應將蘇州府學。文章酌減五名。武童酌減三名。歸於太倉州屬。揚州府學。文章酌減五名。武童酌減三名。歸於通州屬。淮安府學。文章酌減二名。武童酌減二名。歸於海州屬。令該學政於按試時。在該州。及所屬縣內。憑文撥取。

又覆准。江南徐州。陞州。爲府。除轄豐。沛。蕭。碭。等七州縣外。又新設銅山一縣。應照雍正十年。直隸天津。改州。爲府。設學之例。徐州府學。應照例取進文武童生各二十名。卽於所屬各州縣童生內。考取撥入。廩增各額。設四十名。於乙卯年科考爲始。將優等生員。挨次幫補。至出貢之處。恐新設之學。廩額未能一時補足。應俟十二年。廩額漸次補足時。照府學例。一年一貢。其銅山縣學。考取童生額數。於原徐州學二十名額內。減去五名。實取文武童生各十五名。廩增各額。設二十名。於現在徐州學之廩增各三十名內。該學

欽定學政全書 卷之四
政酌量年分深淺存留二十名。其廩生照縣學例二年一貢。其餘廩增各十名。俱酌改徐州府學。又覆准湖南永順府。自設府分縣以來。義學之設有年。誦讀之聲不輟。應試士子不下千餘人。幾同內地。應於永順府城內。建立考棚一所。該府准其添設教授一員。其所屬永順。龍山。保靖。桑植。四縣。各准其添設訓導一員。其歲科兩試。取進文章。永順府學應准其額設十二名。其所屬永順。龍山。保靖。桑植。四縣。應准其各額設八名。其府學額數。照例於所屬各縣內。

考取撥入。該學政於按試時。照府縣各學額進之數。憑文取進。寧缺毋濫。武童三年一試。應准其照文章額數取進。無得濫收。至府縣廩增額數。以及出貢年分。俟人文充盛之日。該學政督撫具題。到日再議。又查永順縣。有永定。衛歸併戶口。桑植縣。有慈利。縣歸併戶口。均有生童現附澧州考試。今永順府既設立考棚。應令各歸本籍考試。卽於永順。桑植。二縣原額各設八名內。將永定。慈利。併歸之戶口。各取進二名。其餘各六名。俱於永順。桑植。兩縣土民內取進。其永。

慈兩處童生不許頂冒以起爭端。

又覆准四川夔州一府原屬之達州梁山二處地廣人衆較盛他屬達州既改爲直隸州又將梁山撥入直隸忠州應於夔州府學取進童生二十名額內減去六名以四名歸於梁山縣以二名歸於直隸達州於該州及所屬縣內憑文分取其武童亦照文童之例一體減撥拔取。

又覆准廣西鬱林一州及博白北流陸川興業四縣舊隸梧州府轄於雍正三年間鬱林州改爲直隸州。

兼轄博白北流陸川興業四縣鬱林州文童額止二十名較梧屬之蒼懷集等縣卷數猶多陸川興業二縣文童額止八名較梧屬之容岑二縣卷數亦多而容岑有府學可撥鬱林州及陸興二縣既無撥學之例應量爲撥加應將梧州府學文童二十名額內酌減五名撥歸直隸鬱林州屬該學政於按試時統於該州并所屬各文童試卷內一體較閱憑文定數取進仍照定例如無佳文寧缺毋濫其武童於梧州府學額內酌減三名撥歸直隸鬱林州屬該學政於按

試時統於該州併所屬各武童內考選文理清通技勇可觀者酌量取進。

又覆准廣西崇善縣爲太平府之首邑未經設學以前崇邑文武童生取附府學其生員考居一二等者得於府學幫補廩增自雍正三年設立縣學以來因未經開設廩增額數生員考居優等者不得與於幫補應將崇善縣准其額設廩增各四名若考取優等人少其頂補之數寧缺毋濫其初補之首廩自乙卯年爲始俟十年後方准出貢嗣後挨年出貢應准其

照左養永三州之例四年一貢。

又覆准河南河南府分設之直隸陝州汝寧府分設之直隸光州及所屬各縣人才蔚起考試者衆應將河南府學額進文童二十名內量減三名歸於直隸陝州將汝寧府學額進文童二十名內量減四名歸於直隸光州令該學政按試時在於該州及所屬縣內一體憑文酌撥。

又覆准安徽廬州鳳陽二府分設直隸六安等四州應將廬州府學文童量減三名武童量減二名歸於

直隸六安州將鳳陽府學文童量減五名以二名歸於直隸泗州以二名歸於直隸潁州以一名歸於直隸亳州令該學政於按試時在於該州及所屬縣內憑文分撥取進

又覆准陝西西安府學文童二十名額內應酌減五名撥歸新分直隸之耀州屬一名同州屬一名華州屬一名乾州屬二名再於府學武童二十名額內酌減一名歸於乾州屬之武功學延安府學文武童生二十名額內酌減三名撥歸新分直隸之鄜州屬鞏

昌府學文武童生二十名額內各酌減三名撥歸新分直隸之秦州屬該學政於按試時統於各該州并所屬各文武童試卷內一體較閱憑文取進仍照定例寧缺額毋濫收

又覆准廣西太平府屬之太平土州學泗城府屬之西林縣學補廩人少而將來出貢太驟應將太平府屬之太平土州學泗城府屬之西林縣學初補首廩照新設崇善縣廩額之例俟十年後方准出貢嗣後缺出頂補者俱四年一貢

又覆准粵省各衛所屯軍籍童生額多人少且軍民兩籍混冒控訐不已應照直隸河間等衛裁併歸縣之例將粵省各衛所屯童生一併歸入現在住居辦糧之州縣民籍內應試所遺各軍籍撥入各該府學文武童生額數悉由各該屬州縣民籍內一體憑文撥取。

又覆准黔省畢節縣屬之赤水河北地方撥歸永寧縣統歸川省管轄所有錢糧戶口業經造冊歸川在案惟考試一事赤水河北地方應考儒童自永邑歸

川之後卽赴永寧考試入學已逾三年而文武生員歲科兩試至今仍赴黔省隔省多有未便應將畢節縣河北地方之文武生員逐一查明改歸永寧縣應試約束仍令該學政將撥歸之文武生員備造清冊送部查核并嚴飭改歸之子弟以永寧縣之籍貫考試不得兩地冒考。

又覆准山東益都縣旣分出博山一縣又將淄川萊蕪兩縣村莊撥入博山應照例額設廩增各二十名其益淄萊三縣改隸之實廩實增候廩候增俱應照

舊開注實廩實增。卽按原補年分補入新設額內。其候廩候增與本學生員按考案名次。新舊間補。再縣學例應二年一貢。益都縣學照舊二年一貢。博山縣初設廩額人數未足。應俟廩額補足之日。該督撫學臣酌奪咨部。照例出貢。再查益都縣原額進文章二十名。武童十五名。今旣分出鄉社。文章應減去五名。取進十五名。武童應減去三名。取進十二名。博山縣學應照小學之例。取進文章八名。武童八名。至益淄萊。改隸博山之文武生監。均以畫分居址爲界。不許

兩地冒考。

又覆准。山東武定州旣陞爲府。又新設惠民一縣。并管轄濱州。及陽信等八縣。應將武定府學額取文章二十名。武童二十名。卽於所屬各州縣童生內。考取撥入。廩增各額設四十名。應於乙卯年爲始。將優等生員挨次幫補。俟十二年後廩額補足時。照府學例。一年一貢。其惠民縣考取童生額數。於原武定州學二十名額內。減去五名。實取進文章十五名。武童十五名。廩增各額設二十名。於現在武定州學之廩增

各三十名內。該學政查明年分深者。各存留二十名。其廩生照縣學例。二年一貢。其餘廩增年分淺者。各十名。俱撥武定府學。卽入於四十名廩增額內。如遇拔貢之年。將新設之武定府學。准其選拔二名。新設之惠民縣學。准其選拔一名。俱憑文拔取。寧缺毋濫。至武定州學現在之文武生員。若將前三次歲科取進之生。分隸府學。其餘畱歸縣學。則名數未爲均平。應仍將武定州學之文武生員。各半分隸肄業。再濟南府學原額取進文武童生各二十名。因改設秦武。

濱三州爲直隸州。府學減額六名。每直隸州。於州學原額外。各增撥州學二名。今武定州旣改設爲府治。濱州復隸武定府管轄。此二州取進文武童生之增額四名。應仍歸濟南府學。以部覆至日爲始。濟南府學取進童生各十八名。

又覆准山東沂州旣改爲府。又新設蘭山一縣。并管轄莒州及郯費等五縣。應將沂州府學照例額取文童二十名。武童二十名。卽於所屬各州縣童生內。考取撥入。廩增各額設四十名。應於乙卯年爲始。將優

等生員挨次幫補。俟十二年後。廩額補足時。照府學例。一年一貢。其蘭山縣考取童生額數。於原沂州學二十名額內。減去五名。實取進文章十五名。武童十五名。廩增各額設二十名。於現在沂州學之廩增各三十名內。該學政查明年分深者。各存留二十名。其廩生照縣學例。二年一貢。其餘廩增年分淺者。各十名。俱撥沂州府學。卽入於額設四十名廩增內。如遇拔貢之年。將新設之沂州府學。准其選拔二名。新設之蘭山縣學。准其選拔一名。俱憑文拔取。寧缺毋濫。

至沂州學。現在文武生員。應照武定府改府設縣之例。府縣各半分隸肄業。其從前兗州府學。減撥沂州學之額數二名。應仍歸兗州府學。青州府學。減撥莒州學之額數二名。應仍歸青州府學。東昌府學。減撥高唐州學之額數二名。應仍歸東昌府學。均以文到之日爲始。兗州府學。取進文武童生各十六名。青州府學。取進文武童生各二十名。東昌府學。取進文武童生各十八名。

又覆准。安徽鳳陽府屬之壽州。新分鳳臺縣。查壽州

分隸西南地屬膏腴鳳臺分隸東北地多下則地瘠民貧習儒者少赴考生員不及壽州十分之六則歲科兩試生員自應四六分取補廩出貢亦當區別應將壽州原額取進文章二十名內嗣後州學取進十二名縣學取進八名原額取進武童十五名內州學取進九名縣學取進六名州學原額廩增各三十名內州學准其額定廩增各十八名縣學廩增額定各十二名州學應准其二年縣學應准其三年一貢至現在文武生員應准其以四六分隸造冊報部查核

又覆准河南新設陳許二府學准其照例各取文章二十名武童二十名俱於各所屬州縣童生考取撥入廩增各額設四十名自乾隆元年歲考爲始將優等生員挨次幫補俟十二年後廩額漸次補足時照府學例一年一貢至新設淮寧縣學考取文武童生額數應於舊陳州學二十名額內減去五名實取進文章十五名武童十五名新設石梁縣學取進文武童生額數應照許州舊額取進文章十五名武童十五名其淮寧石梁二縣額設廩增之處淮寧縣學應

於現在陳州學廩增各三十名內。石梁縣學應於現在許州學廩增各三十名內。該學政酌量年分深者。每學各存留廩生二十名。增生二十名以符縣學額設之數。仍照縣學例。二年一貢。其餘廩增各十名。撥歸各府學。俱入於額設四十名廩增內。

又覆准。山西太原府學。原額二十名內。減去三名。撥歸直隸忻州一名。撥歸直隸代州二名。在於二直隸州并所屬各縣內。憑文酌取。其太原府學額數。除減去三名外。應存留十七名。又蒲州既陞爲府。應准其

設立府學。於平陽府額二十名內。撥分三名。共額取童生十五名。統於所屬六縣內。酌量人文多寡。酌撥取入足額。又澤州一府。應照蒲州府例。准其設立府學。額取文武童生各十五名。於所屬縣內。憑文酌撥。又覆准。福建臺灣府屬彰化一縣。設學已久。文風日盛。應准其額設廩增各十名。十年之後。准其出貢。嗣後四年出貢一次。俟人文加盛之日。再照縣學之例。題增廩額。并二年出貢一次。

又覆准。福建福寧州。既改爲府治。又添設霞浦一縣。

應將福寧府文武童生照例各取進二十名於各屬縣內憑文拔取。廩增各額設四十名。一年一貢。霞浦縣准其定額取進文武童生各十五名。額設廩增各二十名。俟廩額補足之日。二年一貢。又古田縣既經分設屏南縣。其取進文武童生仍照十二名之數。兩縣分隸。似覺太少。應准其照小學例。將文武童生原額十二名內加增四名。與屏南縣對分。每縣取進文武童生各八名。其原額廩增二十名亦准其照數分撥。每縣廩增各十名。至揆貢之處仍照年分淺深次序。兩縣輪流出貢。又查永春縣既改爲州。其文童原額十二名。應准其加增三名。以符州學之數。遇歲科兩考。取進文童生十五名。武童仍照其舊。至永春縣廩增舊額原係二十名。今既改爲州治。應照州學例。廩增各設三十名。憑文拔補。仍照州學例。三年二貢。至大田一縣。向係小學。邇來人文日盛。應准其比照尤溪小學。改陞中學之例。將大田縣原額八名加增四名。共取進文武童生各十二名。其廩增額數仍各照舊。又龍巖州原取進文武童生各十五名。已與州

次定學政全書 卷之四 五

學額數相符。無庸加增。其廩增亦應照州學例。各設三十名。憑文拔補。仍照州學例。三年二貢。又本年

恩詔。各省儒學額數。大學加七名。中學加五名。小學加三名。舉行一次。後不爲例。

乾隆元年奉

恩詔加廣學額一次。定奉天府學。滿字號。照中學例。加五名。錦州府學。復州學。合字號。照小學例。加三名。其遼陽州等學。原額七名五名者。加額二名。四名二名者。

加額一名。

又覆准。查嘉應州屬之興寧。長樂。二縣。前隸惠州。原有撥府文武童生。平遠。鎮平。二縣。前隸潮州。亦有撥府文武童生。今四縣既屬嘉應州轄。應將惠州府學文武童生。各減三名。歸興寧。長樂。二縣。潮州府學文武童生。各減二名。歸平遠。鎮平。二縣。憑文拔取。撥入州學。其嘉應州武童。原額止十二名。取進原未加增。亦應於潮州府學武童內。再減二名。撥歸嘉應州。又連州前屬廣州府。雖撥府甚少。而近來文風日盛。又改

爲直隸州學額僅進八名。誠爲太少。應准其於廣州府學內撥取文童一名。歸於連州。

又覆准河南南陽府之南召縣業經復設。戶口日增。應准其仍照中學之例。文武入學各額取十二名。廩增各額設二十名。其歲貢候廩額補足之日。照例兩年一貢。

又覆准粵西額廩在十名以內者。如泗城府屬之西隆縣學額廩四名。現在三年兩貢。慶遠府屬之思恩縣學額廩五名。現係兩年一貢。以上二學額廩最少。

應照左養永之例。四年一貢。又上思河池永安修仁來賓羅城天河等七縣。現在額廩多未補足。且人文未盛。若照州縣學例出貢。實屬太驟。應均照奉天府學滿字號之例。三年一貢。又桂林府屬之永寧州。思恩府屬之遷江縣。人文既次。廩多缺額。亦應照奉天府滿字號之例。三年一貢。俟該學人文加盛。仍令該學酌量查報。


又覆准廣東普寧縣原額取進文武童生各八名。自雍正十年將潮陽縣之減水全都。洋烏。貴山。各半都

地方戶口撥歸普寧管轄。則人才賦稅亦隨地割撥。增減是潮普兩邑。取進文武童生。似未便仍照原額。應於潮陽文章二十名內。割撥二名。武童十五名內。割撥一名。歸普寧縣。文章歲科兩考。定額各取進十名。武童歲考。取進九名。潮陽縣文章歲科兩考。定額各取進十八名。武童歲考。定額取進十四名。仍照例憑文錄取。寧缺毋濫。

又覆准陝西同州既改府治。每遇歲科兩考。應於所屬州縣文章內。憑文取進二十名。歲試取進武童二十名。額設廩增各四十名。於乾隆元年歲考爲始。挨次幫補。俟乾隆丁卯年起。一年一貢。其大荔縣學。每遇歲科兩試。各取進文章二十名。歲試取進武童十五名。額設廩增各二十名。卽以現在前州之額。設廩增各三十名內。酌量頂補。以年深者存留二十名。照例二年一貢。其餘廩增各十名。撥入府學。又查雍正十三年內。將西安文章額內。撥歸直隸耀州屬之白水縣一名。同州府屬之朝邑縣一名。華州屬之蒲城縣一名。乾州並所屬武功縣各一名。又撥給武功縣

武童一名。遵行在案。今同州改為府治。白水。朝邑。蒲城。均歸同州管轄。已另設府學額數。而耀州並所屬之同官縣。仍歸西安府屬。則原減西安府額內。撥歸白水。朝邑。蒲城。三縣之文童三名。應仍歸西安府學。再陝省鳳翔。漢中等府。俱入學二十名。今西安文童額止十八名。武童額止十九名。仍屬偏枯。應添文童二名。武童一名。以符文武各二十名原額。又覆准湖北宜昌。新設府治。彝陵州學。新改為東湖縣學。宜昌府學。額取文武童生。應照例各額設二十

名。即於所屬各縣童生內。考取撥入。廩增各額設四十名。於乾隆元年為始。將優等生員。挨次幫補。挨十二年後。廩額補足時。照府學例。一年一貢。其東湖縣考取童生額數。應准其照彝陵州學原額。取進文童十五名。武童十五名。廩增各二十名。於現在彝陵州學之廩。增各三十名內。該學政查明年分深者。各存留二十名。其廩生照縣學例。二年一貢。其餘廩增年分淺者。各十名。俱撥入宜昌府學。即入於額。設廩增四十名內。如遇拔貢之年。宜昌府准選拔二名。東湖



縣准選拔一名。俱憑文拔取。寧缺毋濫。至夔陵州學。現在文武生員。應照例各半分隸肄業。其從前夔陵州撥入荊州府學之生員。俱准其改歸宜昌府。又覆准山東曹州。既改爲府。又新設附郭首縣。并原屬三縣。又改撥兗州三縣。濮州一州三縣。曹州府學。取進文武童生。應照例各額設二十名。卽於所屬各州縣內考取撥入。廩增各額設四十名。於乾隆元年爲始。將優等生員挨次幫補。俟十二年後。廩額補足。時照例一年一貢。其荷澤縣學考取童生額數。應仍

照曹州學原額。取進文童二十名。武童十五名。廩增各額設二十名。於現在曹州學之廩增各三十名內。該學政查明年分深者。各存留二十名。其廩生照縣學例。二年一貢。其餘年分淺者。各十名。俱撥入曹州府學。卽入於額設四十名內。如遇拔貢之年。曹州府學准其選拔二名。荷澤縣學准其選拔一名。俱憑文拔取。寧缺毋濫。其現在之文武生員。應照例各半分隸肄業。其曹州從前增額二名。係兗州府學減撥。應仍歸兗州府學。濮州從前增額二名。係東昌府學減

撥今已歸曹州府管轄。應仍歸東昌府學。又泰安州。既改爲府。又添設附郭一縣。併東平州。暨東阿。平陰。萊蕪。新泰。肥城。共七州縣。泰安府學。取進文武童生額數。應照例各設二十名。卽於府屬各州縣內。考取撥入。廩增各額。設四十名。自乾隆元年爲始。將優等生員。挨次幫補。俟十二年後。廩額補足時。照例一年一貢。其泰安縣。考取童生額數。應照萊蕪等大縣之例。取進文童二十名。武童十五名。廩增各額。設二十名。於現在泰安州之廩增各三十名內。該學政查明

年分深者。各存留二十名。其廩生。照例二年一貢。其餘年分淺者。各十名。俱撥入泰安府學。卽入於額設四十名內。如遇拔貢之年。泰安府學。選拔二名。泰安縣學。選拔一名。俱憑文拔取。寧缺毋濫。其現在文武生員。照例各半分隸肄業。其泰安州。從前增額二名。係由濟南府學減撥。應仍歸濟南府學。東平州。增額二名。係兗州府學減撥。應仍歸兗州府學。乾隆二年。覆准河南南陽縣。分設之南召縣。既另立學宮。儒童進學十二名。廩增復設各二十名。應將南

陽縣歲科兩試。取進文章原額。減去六名。存十五名。歲試取進武童原額。減去六名。存十五名。廩增三十名內。減去十名。各存二十名。以符縣學之數。其應減去廩增各十名內。如有應撥南召者。卽補入新設廩增二十名額內。如有籍隸南陽者。將年分淺者。作爲南陽縣學候廩候增。再經考試。照例新舊間補。

又覆准甘肅口外安西沙州靖逆柳溝赤金五衛所。邇來生齒日繁。誦讀詩書。未經設學。應將安西五衛所生童。准其赴肅州隨棚考試。每遇歲科。令取文章

十名。歲試令取武童十名。暫附肅州學管轄。俟人文增盛之時。再行題請設學。其西寧府屬之大通衛。地處邊末。讀書有人。歲科兩試。亦應取進文章各一名。歲試取進武童一名。附入府學。

又覆准安徽穎州。旣改爲府。又新設阜陽一縣。自應設府縣學額。穎州府學。歲科取進文武童生。應照例各額進二十名。俱於所屬州縣內。考取撥入。其新設之阜陽縣學。應於原穎州學二十名額內。減去五名。歲科兩試。實取進文章十五名。歲試取進武童十五

欽定學政全書 卷之四
名。再穎州府學廩增。應照例各額設四十名。將現在穎州學之廩增。酌量年分深者各二十名。存留新設之阜陽縣。其餘年分淺者。撥入穎州府學。其府學不敷之廩額。應將鳳陽府撥歸穎州。并撥歸各縣學之廩生十四名。准其撥入穎州府學。卽入於額設四十名內。其餘缺額一十六名。應照例於穎州府學考取優等生員。挨次幫補。其增生額。照此取足。其出貢候廩額補足時。先將鳳陽府撥歸之廩生。較其食餼年深者。照例一年一貢。其餘年分淺者。亦准其陸續挨

次出貢。其阜陽縣廩增。應照例各額設二十名。於穎州學之廩增內。擇其年分深者。各存留二十名。廩生照例二年一貢。再穎州既經改府設學。亳州又改歸穎州府管轄。則從前鳳陽府撥入穎州學二名。亳州學一名。應仍撥還鳳陽府學。

又覆准陝西葭州。並所屬之府谷。神木。二縣。近復改隸榆林府管轄。其從前延安府學額內。撥給葭州之文武童生各一名。應仍撥歸延安府學。延安府學文武童生。各取進十八名。其葭州。府谷。神木。三州縣。如

人文較盛。應於榆林府學各額設十二名內。同榆林懷遠二縣酌量取進。

又覆准山西朔平寧武二府。自改府設學已歷多年。人文實爲充盛。應改照州學例添設廩增各十名。共足三十名。於優等生員內拔補。照例三年二貢。又神池五寨二縣文武童生。原議取進六名。近來人文充盛。應添取文武童生各二名。以符小學八名之額。與寧武縣均額設廩增各二十名。兩年一貢。其添設廩增照例於歲科兩試。將優等合例生員。每案添補廩

增各四名。陸續添補足額。其寧武府學寧武五寨兩縣學。現存虛實廩生食餼已久。應照各州學縣學例。應貢之年一體出貢。餘俟廩額補足後。方准較其年分之淺深。挨次出貢。

乾隆三年覆准。從前湖廣永定衛添設縣治時。議將生童歲科兩試。准照小學額取進童生各八名。廩生六名。俟人文充蔚之日。照例考補在案。查永定廩額六名。其慈利縣撥歸之生。既改爲候廩。則永定縣生員考居優等者。未免人多額少。難於幫補。且兩學舊

管生員既屬相等。其廩額亦應酌量均平。應將慈利縣學額設廩生二十名內。撥出空廩六名。歸於永定縣學收補。嗣後慈利縣學廩額十四名。永定縣學新撥廩額六名。並原議六名。共廩生十二名。又永定縣當日原題內。並未設有增額。今廩額既定十二名。則增生亦應照廩額設。於例方爲畫一。應將慈利縣學空增撥六名。歸於永定縣學。慈利縣增生十四名。永定縣額設增生十二名。至兩學出貢一項。亦應將慈利永定兩學生員。准於本屆科案廩增補足時。下次歲考後。兩年一貢。

又覆准湖南沅州新設府治。設立附郭一縣。分撥黔麻二縣。其府學額進童生。應於歲科兩試。照沅州原額。取進文章十五名。三年一試。額取武童十五名。又沅州改府。祇轄三縣。其廩增額數。不便照府學四十名之例。應廩增各設三十名。於己未年爲始。將優等生員挨補。俟十二年補足時。照州學例。三年二貢。又從前沅州黔陽麻陽撥入府學之廩增附生武生。應准其撥歸沅州府學肄業。其所設之芷江縣學。亦照

州學原額取進文武童生各十五名。苗童三名。其廩增各額設二十名。將現在沅州學之廩增擇其年分深者各存留二十名。兩年一貢。其餘年分淺者撥歸府學。仍照例作候廩候增。與府學生員考列在前者。新舊間補。如遇拔貢之年。沅州府學選拔二名。芷江縣學選拔一名。又辰州府學既撥去沅州黔陽麻陽三州縣止存沅陵瀘谿等四縣二廳。若仍照原額取進文武童生各二十名亦未免太浮。嗣後辰州府屬文武童生應准其各取進十八名。

又覆准查廣東程鄉縣於雍正十一年改爲嘉應州。其入學額數已准照大學例。廣額取進二十名在案。其廩增各額二十名。尚仍其舊。查該州自改設以來。人文日盛。其廩增名數應准其各加增十名。以符州學三十名之例。

又覆准貴州南籠改廳爲府。建設義學。文風日盛。應照中學例。歲試取進文武童生各十二名。科試取進文章十二名。廩增額數各設三十名。以成中學規模。又覆准福建龍巖州。人文日盛。其歲科兩試文章應

於原額之外。加增三名。共取進一十八名。乾隆四年。覆准湖北施南府屬之宣恩。來鳳。利川。咸豐。四縣。原係土司地方。改設。今現在童生。已有百餘名。文義亦畧通順。應將四縣童生。每遇歲科兩考。准其暫附宜昌府考試。另編新字號。擇其文理通順者。四縣酌量共取進一二名。其新進童生。暫歸恩施縣學管轄。其設學增額。應俟人文繁盛之時。再行題請。又覆准雲南宣威州。自雍正八年設學。歲科取進童生各八名。又有由貴州威寧州撥歸生員一百四十

餘名。內原係廩生二十餘名。自應准設廩額。俾之食餼。但查該學現在肄業諸生。未及二百名。尚非人文充盛之地。若遽照州學之例。廩增各額。設三十名。未免太優。應照縣學之例。廩增各額。設二十名。將現在由威寧撥歸舊廩應補之人。挨次補實。其餘丁憂事故。後應行補廩者。自乾隆四年爲始。與本學生員。照考案名次。新舊間補增生。亦照此例遵行。其出貢年分。亦照縣學例。兩年一貢。但新設之學。初補首廩。俟食餼十年。始行出貢。今宣威州學。既有威寧撥歸之

舊廩。應令該學政查明年分深者。先准出貢。其餘陸續挨次出貢。嗣後遇拔貢之年。亦照縣學例選拔。如無佳文。寧缺無濫。又雲州歲科兩考取進童生十二名。額廩三十名。惟出貢額數。仍照縣學例兩年一貢。嗣後應照州學之例。三年二貢。又查雍正三年內。覆准威遠土州。向來土官不容彝人應考。請於威遠地方。設立義塾。令彝人入塾誦習。令於元江府附考。并於元江府額進二十名外。加取二名。等因在案。今威遠土州。既經改隸鎮沅府管轄。其從前元江府加額

二名。應令撥歸鎮沅。於額取八名外。加取威遠童生二名。

又覆准山海衛。改爲臨榆縣。以深河爲界。河西地土村莊。歸撫寧縣管轄。河東地土村莊。卽隸新設之臨榆縣管轄。其生童考試。應照改隸村莊。定爲籍貫。現係割歸新縣者。令赴臨榆考試。其分隸各縣者。應赴所轄之縣考試。生監亦照所居之地。撥歸各縣管轄。至取進童生。亦照改隸之籍。於各該學原額數內。酌量分撥。以歸均平。從前深河以西。考試之童生。原在

山海衛學十八名額內取進。今既改隸撫寧考試。應將山海衛原進文章十八名學額。改撥三名。歸於撫寧縣學額內。歲科各取進文章十八名。武童亦在於山海衛原取武童十五名內。改撥三名。歸入撫寧縣學額內。歲試取進武童十五名。其新設臨榆一縣。應照中學額。取進文章十五名。武童十二名。查昌黎樂亭。盧龍。遷安。灤州。等五州縣。各有地畝村莊。改隸臨榆。其應試童生。仍未減少。應令該學政於考撥永平府學時。將所屬各州縣童生試卷比較。如臨榆試卷

佳。文果多。酌量寬取二三名。撥入永平府學。無庸另行加額。武童亦照文章之例。令該學政於考試時。酌量取進二三名。撥入永平府學。亦無庸另行加額。至臨榆縣學廩增。仍照例各設二十名。二年一貢。以符縣學定制。

又覆准福建福寧府之霞浦縣。從前原照大學例。取進童生十五名。廩增各二十名。其新設之福鼎縣。即係霞浦地方分出。應遵照定例。將入學原額十五名之數。新舊兩縣平分。外其餘一名。仍撥歸應試人多。

之霞浦縣學。嗣後霞浦縣歲科兩試。取進文章八名。歲試取進武童八名。福鼎縣歲科兩試。取進文章七名。歲試取進武童七名。廩增原額各二十名。亦兩縣平分。霞浦縣學廩增各十名。福鼎縣學廩增各十名。無庸另為增加。仍照例二年一貢。兩縣將年久廩生。照考案等第名次。輪流出貢。俟舊廩出貢完日。再將新補廩生。兩年挨次輪貢。如上屆霞浦出貢一名。下屆卽係福鼎出貢一名。

乾隆五年。覆准陝西寧夏府屬新渠。寶豐。二縣。旣經裁汰。文武生員。撥歸原籍肄業。其入學原額。應酌量分撥各屬。但查新寶。二縣招徠之民。從前原係靈州。寧夏。寧朔。中衛。平羅。五州縣人民。今仍撥歸本籍。其戶口原不加多於昔年。若將新寶。兩學二十四名舊額。盡數撥增。未免太浮。應令該學政按試時。統於靈州。寧夏。寧朔。中衛。平羅。五州縣內。視人文之多寡。酌量增取八名。分隸各學。再將八名。撥入寧夏府學。以符該省大府之額。其武童亦照文章之例考取。

寬政戊午

<p>臣等伏以</p>	<p>臣等伏以</p>	<p>臣等伏以</p>	<p>臣等伏以</p>	<p>臣等伏以</p>	<p>臣等伏以</p>	<p>臣等伏以</p>	<p>臣等伏以</p>
-------------	-------------	-------------	-------------	-------------	-------------	-------------	-------------

[The left page is mostly blank with some faint, illegible markings and significant paper texture.]

